



सानसेयारि "बड'सा" खरीरालाइयाव समाज्यादि जिज्जो लोब्बा थानाय रायथाय, खन्थाय, सल', सल'बाथा आरु दावबायारि थावनि, पार्क बाइदिनि स्यायाव लिहनाय लिहबिबां दैशाय डर/ सानसेयारि "बड'सा" खरीरालाइया खेबखानावै फोखावगेव।
बड'सायाव लिहहरनायनि हुबा खालाम, "बड'सा" खरी नोथि, जो बयबो आंगो खालाम।
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 7 February, 2024 Kokrajhar, BTC, Assam ★ Vol.-33, Issue No. 309 ★ R.N.I. Regd.No. 40994/91, Assam Govt. Regd.No.IPRD.40/2006/3, ★ Rs.8/



मदि सरकारनि गेरेन्टि

गाव-थिसन्थायजों आइजोफोरा गोखों जादों

10 कौटिनिबो बांसिन आइजोफोरा गावसुंथा हान्जायाव हाबदों;
3 कौटि आइजोफोरनो लाखपति डिडि खालामनायनि समाय खिरा लादों

हमारा संकल्प बिकसित भारत





वासिने मिथिनो थाखाय स्केन खालाम

फैगौ 6 दाननि गेजेराव आसामाव पन्चायत बिसायख 'थि खुंगोन




गुवाहाटी, 6 फेब्रुवारी: फैगौ 6 दाननि गेजेराव आसामाव पन्चायत बिसायख 'थि खुनाय जागोन। बेनि थाखाय रइज्यो सरकार साखा-फारा खालामगासिनो। बिसायख 'थि खुंफुंजानायसिम पन्चायतनि बिबाना दिथागिरि मन्थिनि आखायाव थागोन होनानै मिथिनो मोन्नाय जादों। बेनि थाखाय (□ 5 बिलाइआव)

खामानि नागिरनो थानानै सिक्किमआव सासे सुबुंआ गोमानानै दड'

तामलपुर, 6 फेब्रुवारी: तामलपुर जिल्लानि सिडाव थानाय गुवाबारी महेन्द्रनगर गामिनि सासे सेंग्राया थानाय 9 सान नाडेनिफ्राय गोमानानै दड। मख'नो गोनांदि, परितस दास मुनि सेंग्राया खामानियाव थिसनजानो थाखाय खामानि नागिरनानै 10 सान सिगां सिक्किमयाव थादोंब्लाबो बेनिफ्रायनो गोमानायनि नख'रारिआ खौरां मोनो। गोमानायनि खौरां मोन्नायनि उनाव दार्जिलिनि सिनायथिनो मोनै सोरखा सुबुंआ बि सुबुंखौ पुलिसनो गथायदों होना मोनसे (□ 5 बिलाइआव)

गाहाइ मन्थि मदिआ गवाआव नैथि भारत गोहो सप्ताह बेखेवदों
भारतआ हाइड्र'जेन, बाय'मास, पेट्रकेमिकेलनि मुलुगनां जगायग्रा महरै गायसनजागोन: गाहाइ मन्थि मदि

पानाजि, 6 फेब्रुवारी: "भारतआ गावनि गोहोनि गोनांथिनि थाखाय गोबां बिबाडव गोथां थाव आरो गेस लाबोयोब्लाबो, नाथाय भारतआ दा गावखौ गोहोनि मोनसे गाहाय दैथायहरग्रा महरै गायसनगासिनो दं। हादतनि गोहो रैखाथिखौ रोखा खालामनो थाखाय सरकारजों बिथाथि लानाय रां इनभेस्ट खालामनायनि बिबाड भारतखौ गोहोनि बिथिडव आत्मनिभर खालामनायनि अनगायैबो पेट्र'लियाम दिहुन्थायफोरनि



अनगायै गोथां हायड्र'जेन, बाय'मास, पेट्र'केमिकेलफोरनि मुलुगनां जगायग्रा महरैबो गायसनगोन।" गाहाइ मन्थि नरेन्द्र मदिआ खोला गवानि बैतुलआव नैथि इन्डिया एनर्जी उइक (आइडब्लिउ) बेखेवनाय समाव बे बाथाखौ बुडो। बिथाड बुंवावोदि, भारतनि रांखान्थियाव गेस सेक्टरनि बाहागोखौ बांहोनो थाखाय फैगौ 6-7 बोसोराव 67 बिलियन डलार रां थिसन्याय जागोन। बेयो हादतयाव (□ 5 बिलाइआव)

कक्राझाराव बन्द' जानानै थानाय माखासे सुपार पास्ट-एक्सप्रेस रेल गारिफोरखौ थाद'होनो राइजो-राजाफोरा दाबि दैखादों

कक्राझार, 6 फेब्रुवारी: बिटिसिनि राजथानि सोहोर महरै कक्राझार जिल्लाया मोनसे गोनांथार जायगा आवगिनो हादोंब्लाबो गुबुन गुबुन बिथिडव बिजिनानै नायोब्ला नुनो मोनोदि गुबैयै बे जिल्लाया गुबुन दर 10 सरानसा सोहोरफोरबादिनो दरसे सोहोर जाना दड। मख'नो गोनांदि, आथिखालनि समाव कक्राझार सोहोर भारतबर्षनि गेजेरावनो दरसे फारिलाइयाव लाफाजानाय सोहोर महरै मख'नो हायो। मानोना कक्राझार फाहामथाय फरायसालिमा, केन्सार मिर, बड'लेन्ड मुलुगसोलोंसालि, सिआइटि, साइ ट्रेनि सेन्टार, इन्जिनियारि फरायसालिमा, आइन फरायसालिमा, बिएड फरायसालिमानि अनगायैबो बिटिसिनि सेक्टरियेटजों लोगोसे गुबुन गुबुन गोनांथार आफाद-फसंथान बायदिफोरा दड। बेनि थाखायनो कक्राझारखौ लानानै भारतनि गुबुन गुबुन ओन्सोलनिफ्राय फरायसाफोर, साखि मावनाय बिबानगिरि-मावसुमाफोर हान्था-मेला खालामना फेनो गोनां जायो। नाथाय खाफाल गात्रि महरै भारतनि मानसावगारियाव गोनांथार जायगा आजावनानै कक्राझारा गुबैयै (□ 5 बिलाइआव)

बिसायख 'थि आयगआ फोसावदिनाय समाव उन्दै गथ'साफोरखौ बाहायनायनिफ्राय होबथादों

गुवाहाटी, 6 फेब्रुवारी: फैगौ लकसभा बिसायख 'थिनि थाखाय रइज्योनि राजखान्थि दोलोफोरा दावहानि सोलो थियारि खालामदों। खुंथाय-बेरेखा गासैबो दोलोफोर थाबैनो बि स। य ख 'थि थि नि फोसावदिनायाव मुखुव जागोन। लकसभा बिसायख 'थिनि सिगां हादतनि बिसायख 'थि आयगआ राजखान्थि दोलोफोरनि थाखाय



मोनसे गोखों बिथोनमा फोसावदों। बे बिथोनमानि गेजेरजों आयगआ राजखान्थि दोलोफोरखौ पस्टार-पमफ्लेट रान्नाय एबा स्ल'गान होनायजों लोगोसे जायखि जाया फोसावदिनायाव गथ'साफोरखौ बाहानायनिफ्राय होबथादों। बिसायख 'थिनि समाव राजखान्थियारि दैदेनगिरि आरो (□ 5 बिलाइआव)

इन्डियान आर्मिनि आग्निभिरआव थिसन्थायनि थाखाय बिटिआरनि लाइमोनफोरनो जर'खा फोरोंथाइ बादा खुंनो साखाफारा

कक्राझार, 6 फेब्रुवारी: रैनिया बिफानआव साखि मावनो गोसो गुदुं लाइमोनफोरनि थाखाय गोजोन्थाव खौरां। भारतीय रैनिया एबा इन्डियान आर्मिआ बिटिआरनि लाइमोनफोरनि थाखाय लानानै फेदों मोनसे मोजां खालु। इन्डियान आर्मिनि आग्निभिरआ थिसन्थायनि थाखाय इन्डियान आर्मिआ



बिटिआरनि लाइमोनफोरनि थाखाय मोनसे जर'खा फोरोंथाइ होनाय हाबाफारि खुंनो थांखि लादों। कक्राझारनि तितागुरिआव थानाय इन्डियान आर्मिनि केम्पआव फैगौ 11 फेब्रुवारीनिफ्राय बिटिआरनि लाइमोनफोरनो आग्निभिर थिसन्थायनि थाखाय जर'खा (□ 5 बिलाइआव)

आन्जादयाव नखल खालामब्लानो जोबथेसालिनि साजा मोनगोन!

सोंथि बिलाइ लिंक खालामोब्ला जोबथेसालिनि साजा-जुरिमाना गथायनांगोन, लकसभायाव आइन थिसनजादों

गुवाहाटी, 6 फेब्रुवारी: भारत सरकारआ रइज्योयारि आन्जाद आरो इन्ट्रेन्स आन्जादयाव सोंथि बिलाइ फोसावनाय (लिंक) आरो नखल लानायखौ होबथानायनि थांखिजों 2024 माइथायनि 5 फेब्रुवारीयाव लकसभायाव मोनसे बिल थिसनो। समबारखालि मिरु मन्थि ड



(गात्रि खामानि बाहायनायखौ होबथानाय) बिल 2024 नि (पाब्लिक इग्जामिनेसन, प्रेभेन्सन अफ आनफेयार मिन्स, बिल, 2024) थांखिलाइखौ थिसनो। नाथाय बे थांखिलाइयाव आइनआ फरायसाफोरनि गेजेराव थांखिया लाफायाखै। नाथाय (□ 5 बिलाइआव)

गुवाहाटी, 6 फेब्रुवारी: जलीयारं हेरका गौथुमनि सनाथि माइथाय फोर्बो फालिथायखौ दिने हाफलनि लदिरामआव मेहेरगोनां हाबाफारिनि गेजेरजों खुंनाय जादों। बे सनाथि माइथाय फोर्बो फालिथायनि गेवलां मेलनि हाबाफारियाव आसामनि रइज्योनि बेंगिरि गुलाब चान्द काटरियाआ गाहाइ आलासि महरे बाहागो लादों। हाबाफारियाव गाहाइ आलासि महरे बाहागो लानानै गावनि बिबुंथिनि गेजेरजों रइज्यो बेंगिरि काटरियाआ बुडोदि, धोराम आरो हारिमुआ मोनसे



हारि आरो समाजनि गुबै सिनायथिखौ दिन्थियो। बे मोनने बिजोड सिगांनि आरो इयुननि गेजेराव लांदां जानानै थानाय समखौ सरजबो। धोरामआ मोनसे समाजखौ खौसेथियै लाखिनायजों लोगोसे सुबुंथिखौ हमथानानै लाखियो। बेबायदिनो हेरका धोरामाबो भारतनि धोराम आरो हारिमुनि मोनसे एंगार हायै बाहागो। समाजखौ फोसावनाय आरो गोर्गैयै लाखिनायजों लोगोसे जौगानायनि बिथिडव जैसायदि गासैबो धोरामरि सुबुंफोरा बिबान लाबोदों, बेबायदिनो हेरका धोरामाबो (□ 5 बिलाइआव)

सुजुगिरिनि खोलोम

मैखुनि गोनांथि आरो मुलाम्फायारी आबाद

मैखुना सुबु देहानि थाखाय गोनां बेसात। मैंग हारिनि बे मैखुनाव गोबां बिबांनि प्रटिन, भिटाभिन बाइदि बेसातजों आबुं थानायखायनो मैखुना गासै थाखोनि थाखाय बाहाय जानो हाथाव। सुबुं देहायाव नानाय गोनां मुवाफोरनि गेजेराव मैखुनि बान्जायनाया बयनिखुइबो सिगां होन्ना नै बुंनगोन। मैखुना बर'फोरनि जाथोसे मोजां मैंग। अदेबानि सम सम मैखुन जानानै मानसि थैनाया आधिखालाव आसामनि थाखाय गोदान खौरां नलिया। जाग्राया जादों मिथिनानैबो-थैग्रायाबो थैयो जानानै गाव मिबथिसाब्ला जासे। खौरांबो ओंखारफलायो मैखुन जानानै थैनाय। अब्लाबो नागारा मैखुनि हाबिला। नाथाय खोनाफेरै, जाफेरै जाथायबो जानानै फैयो साम' जानानै थैनायनिबो खौरां।

जाथाया मुजिथाव खहाबगोनां आरो गिखंथावबो जानानै फैयो बर'फोरनि थाखाय। गामिल' नडा टाउन-सहर जेरावबो गोसारदलानानै थानाय बर'फ्रा जगार खालामानाब्लाबो बोथिसे साम'-सबाय, साम'-अनद्लानि ओंखि आरो मैखुन-अनद्ला, एउनाय, मैखुन-मैथा, अमा-मैखुनि लाब्रा जानाया आधिखालनिल' बाथ्रा नडा, गोदो गोदाय आजै-आजोमोननि समनिफ्रायनो बर'फ्रा बे थाखोनि मैंग-थायगं जाबोदों आरो जागासिनोबो थायो। नाथाय खैफोदनि बाथ्राया जाहैदों-बेखौ सिनाइनानै जानो रोडैयाव। मैखुन जानो मोजां मोनोब्लाबो बर'फ्रा गोनांखो आदबजों बाडाइ सम आरो बाडाइ खरसा गारनानै मैखुन आबाद खालामानानै जानायाव नाथाय दैलो। आधिखालाव जायगा लायै जायगा मैखुन आबाद खालामानानै फालांगि खालामानो एबा जानो थाखाय बिफानारीनि जोहै जोलै बेगर बुथुमनानै बे आबादखौ मावनायनि गोरलै खाबु आरो राहा दसै। जौनि बि टि सि हालामनि दाब-दाब जायगाजों लोगोसे गसाइगावआव दुलाराय बर' आबादारि आफातनि बान्जायनायाव मैखुन बेगर दिहुन्नायनि थाखाय लेबरेटरीनि गेजेरजों मैखुन फसंबाय। बे लेबरेटरी जोलैखौ एग्रे-बाग्रे मोनफुंनो हासिगोन। बेनि गेजेरजोंनो-मैखुन आबाद दिखानानै बेनि आंखाल फोलोमनायजों लोगोसे फालांगियारी बिथिडैबो आबाद दैखानो गोलै जानानै फैबाय। बेफोर आदबनि गेजेरजोंबो नानाइसेबां मैखुन दिहुन्नानै गावनि नांगौखौ फोलोमनायजों लोगोसे गुबुनफोरनोबो फालांगियारी आदबै मैखुनि साहिदाखौ सुफुंनो हायोब्ला रांखावारी फासैबो एफा एनै हुंखा फोलोमनो हागौ आरो गिनांगौबो थाहैनाय नडा।


दिनैनि फान्जामुथि

राशि बाइदिथै मुंनि गिबि हांखो
 मेष : अल वृष : ऊब (उ ए इ) मिथुन : क छ (ड घ)
 कर्कट : ड ह सिंह : म ट कन्या : प ठ (ण ष)
 तुला : तर बुश्चिक : बन धनु : ध ध (ढ फ)
 मकर : ख ज कुम्भ : ग श (स) मीन : द च (ख ञ झ)

- मेष:** बहाबाफोर दावबाय हैनो मोनो हागौ। गोसोखौ गोजोन मोनगोन। मोजां सान।
- वृष:** मोनखानाय सुबिधाफोरखौ खोमानानै लानांगोन हागौ। जैरेबो सांग्रां जानांगोन।
- मिथुन:** माबा मोनसे मुवा-बेसादफोर मोनो हागौ। गोसोखौ गोजोन्नाय मोनगोन। मोजां सान।
- कर्कट:** माबाफोर मोजां खामानियाव आगान सुखोनानै लानो हागोन। सान्नाया जाफुंनो हागौ।
- सिंह:** मानिबा दायआव सन्देह खालाम जानो हागौ। सांग्राडै थानाया गाहाम।
- कन्या:** नख'रनि सुबुफोरजों दावराव-दावसि जानो हागौ। जेखि जाया गोसोखौ हमथा।
- तुला:** जेबो जेना गैयै शान्तियै थानो हागोन। नख'रआ जौगानाय फैनो हागौ।
- बुश्चिक:** बादायलायनाय समाव देहासार जानो हागौ। सान्नाया जाफुंनो हागौ।
- धनु:** बादायलायनाय समाव देहासार जानो हागौ। गावखौ मुं खालामनानै लानो हागोन।
- मकर:** सुथुर थानायफोरा जोबसांलांनो हागौ। गोजोन्नायखौ मोनो हागोन। मोजां सान।
- कुम्भ:** जेखि मावा मुलाम्फाखौ मोनो हागोन। दिनैनि सानआ फालांगिरी मावग्रानि थाखाय गाहाम सान।
- मीन:** जेखि जाया बेरमआव गोलैबायनो हागौ। देहाखौ सांग्राडै लाखिनांगोन।

आन्जादआव नकल लानाय मोनोब्ला 5 बोसोर जेल आरो 10 लाख रां जुरिमानानि बिल दिन्थिदों आसाम सरकारआ

डिसपुर, 6 फेब्रुवारी: आसाम सरकारआ थाबैनो पाब्लिक एकजामआव नकल खालामनायखौ होबथानो थाखाय गोख्रों आइन लाबोसिगोन। समबारखालि राइज्यो सरकारआ बिधान सभायाव मोनसे बिल दिन्थिदों, जायनि गेजेरजों एकजाम एबा आन्जादआव नकल लानाय मोनोब्ला दायनिगिरिआ खमैबो 5 बोसोरनि साजा आरो 10 लाख रां जुरिमाना फोनांनो हागौ। बे आइननि मुडा आसाम पाब्लिक एकजामिनेसन बिल, 2024 आरो बेनि गेजेरजों आन्जाद होगिरिनि अनगायै आन्जाद बान्जायग्रा अटरिदिनि सायावबो केस सालायनो हागौ। जुगि बे बिलआ गोहोम गोनां



जायोब्ला बेबादि आइन लाबोनाय आसामआनो हादरनि गिबिसिन राइज्यो जागोन।

आसाम सरकारआ फोरमायदोंदि, बे बिलआव दायनिगिरिखौ 5-10 बोसोर साजा आरो 10

लाखनिफ्राय 1 कौटि रांसिमनि जुरिमाना होनांनयनि बिथांखि लाबोनाय जादों। नकल खालामग्रा आन्जाद होगिरिनि साजाया एसे खमसिन होनांनैबो

बुंजायो, जेराव बियो 3 बोसोर जेल आरो 1 लाख रां जुरिमाना होनांनो। नाथाय जुरिमाना होनो हायै थासारिआव 2 बोसोर आरोबाव जेलआव थानांगोन। बेनि अनगायै बे आइननि गेजेरजों दायनिगिरि गनायथिजानाय सुबुडा नै बोसोरसिम जायखि-जाया पाब्लिक एकजामआव जिरायनो हानाय दड। बेयफासै दायनिगिरि मोन्नाय फसंथानखौ अरायबोनि थाखाय बेन खालामनो हागौ। एकजामआव नकलजों लोब्ला थानाय गासैबो अजदफोरखौ डिपुटि सुपरिस्टेन्डेंट एबा बेनि जौसिन रेंकनि पुलिस अफिसारआ नायबिजिरागोन। पेपार लीक जानाय केसफोरगव हियारिंखौ गुबुन गुबुन कर्टआव खालामनाय जागोन।

गाहाइ मन्थि मदिआ बिसायख थियाव 370 मासि देरहागोन होन्ना दाबि दैखांदों



गोदान दिल्ली, 6 फेब्रुवारी: जानो गोनां लकसभा बिसायख थियाव 370 मासि देरहागोन होन्ना गाहाइ मन्थि मदिआ दाबि दैखानयनि सायाव कंग्रेसआ थांखिदों। कंग्रेसआ दाबि दैखानयनिफ्राय कमसिन मासि मोनोब्ला बिथाडा समायखिरा लानो नेवसिगोन नामा। कंग्रेसआ जवाहरलाल नेहरु आरो इन्दिरा गान्धीनि सायाव बाथ्राजों गाग्लोबनायनि थाखायबो गाहाइ मन्थि मदिखौ सोंखारिदों। कंग्रेसनि गागि दैदेनिगिरि राहुल गान्धीआ एक्सआव पस्ट खालामनानै बुंदोंदि, गाहाइ मन्थि मदिआ

बिथाडा मानो गिखाडो। फारसेथिं कंग्रेसनि आफादगिरि माल्लिकार्जुन करोआ बुंदोंदि, गाहाइ मन्थिआ कंग्रेसनि मुं मख'आजासे उन्दुनो ओंखारा। बिथाडा नख'रबादिनि बागै बाथ्रा बुडो, जौनि दैदेनिगिरिफोरा हादतनि थाखाय गावनि जिउखौ बावदों। बिथाडा एक्सआव पस्ट खालामनानै बुंदों। आं गाहाइ मन्थि मदिनाव सोंथि सोंनो लुबैयोदि, नोंथांनि पार्टीनि बेसेबां सुबुंफोरा हादतनि उदांसि, खौसेथि आरो गावसानाय गैयैनि थाखाय गावनि जिउखौ बावदों। फारसेथिं कंग्रेसनि गाहाइ नेहाथारि केसि भेगु गपालआ बुडोदि, गावखौनो बयनिखुइबो देरसिन अबिसि होन्ना नै गाहाइ मदिआ मदि सरकारजों लोगोसे गासैबो बिथिंफोरानो अबिसिनि आबुं महरै खम थादैफोरनि गोख्रों सैथोखौ नेवसिनयनि अनगा जेबो खालामाखै।

भेलेन्टाइन डेआव माखासे मुवाखौ अन्थोब होनाया मोजां नडा

गोदान दिल्ली, 6 फेब्रुवारी: मोजां मोनलायग्रा एबा लाभाफोरनि थाखाय भेलेन्टाइन डेआ जोबोद मख'जाथाव। बेखौ बोसोरफोमबो 14 फेब्रुवारीआव फालिनाय जायो। मोनफ्रोमबो मोजां मोनलायनाय जराआ बे सानखौ नेनानै थायो। भेलेन्टाइन डेआव सेंग्रा-सिख्ला जराआ गावबा-गावनि मोजां मोनलायखौ फोरमायथिलायो। बे सानखौ जर'खा आरो अरायनि थाखाय गोसोखांथि खालामनानै लाखिनयनि थाखाय सुबुंफोरा गावनि लाभ पार्टीनारो माखासे जर'खा अन्थोबबो होयो। नाथाय फेगौ 14 फेब्रुवारी, भेलेन्टाइन डेआव आंगो अन्जालु एबा अन्जालि मोजां मोनलायनो अन्थोब होनो प्लेनि खालामदोब्ला सांग्रां जा। मानोना अन्थोब महरै माखासे मुवाखौ हरोब्ला बेखौ अशुभ होन्ना नै गनायनाय जायो। बस्तु शास्त्र आरो ज्यतिथि शास्त्रनि बादिब्ला,



बैफोर माखासे मुवाआ सोमोन्दोखौ गात्रि खालामो। अशुभ मुवाफोरखौ अन्थोबआव हरोब्ला, सोमोन्दोआव जेना एबा गावसालायो। बैफोर मा मा मुवा जायखौ भेलेन्टाइन डेआव अन्थोब हरोनो नाडा बेखौ मिथिहोनाय जाबाय। गिबियावनो नोंथाडा भेलेन्टाइन डेआव पार्टीनारो अन्थोब होनो सान्दोंब्ला रुमाल-फालिखौ होनो नाडा। बस्तु शास्त्रनि बादिब्ला, रुमालखौ अन्थोब हरोब्ला सोमोन्दोआव जेना एबा गोरोबलायै फैयो। नैथिआव मोजां मोनलायनाय जराआ माब्लाबो भेलेन्टाइन डेआव गावनि अन्जालु एबा अन्जालीनि गोसोम गावनि जि अन्थोब होनो नाडा। मानोना सनातन धोरमआव गोसोम जिखौ अशुभ होन्ना नै गनायनाय जायो। गोसोम गावनि जि-जोम अन्थोब होयोब्ला सुबुंनि जिउआव जेना-जेसिफोरा बांनो हागौ। बेयफासै भेलेन्टाइन डेआव अन्थोब महरै जुताखौबो होनो नाडा। जुता अन्थोब हरोब्ला बेखौ नेगेटिभ एनाजि फैनायनि लामा होन्ना नै बुंजाय जायो। बेफोरनि अनगायै भेलेन्टाइन डेआव पार्टीनारो फारफिउम अन्थोब होनायखौ अशुभ होन्ना नै गनायनाय जादों। बस्तु शास्त्रनि बादिब्ला, फारफिउमखौ अन्थोब महरै हरोब्ला मोजां मोनलायनाय सोमोन्दोआव जानगरनाय फैयो।

6 दाननि गेजेराव हादतनि जिडिपिनि हारा 7.5 जौखोन्दो जाबाय: पिएम मदि



पणजी (गवा), 6 फेब्रुवारी: गाहाइ मन्थि मदिआ दावबायहैदों। बेयाव बिथाडा अप्नेजिसि सभाइवेल चेन्टरखौ बेखेवदों। बे समाव गाहाइ मन्थिआ भारत इनाजि सप्ता 2024 खौबो बेखेमदों। पिएम मदिआ बे हाबाफारिखौ सोमोन्दो लाखिनानै बुडोदि, इन्डिया एनाजि विकनि बे नैथि हाबाफारियाव नोंथांमोननो साबायखर जासियो। जौनि थाखाय बेयो जोबोद गोजोन्थाव बाथ्रादि, इन्डिया एनाजि हाबाफारिया जौनि थाखाय एनाजिजों बुंफनानै थानाय गवायाव सोलिगासिनो दह। पिएमआ बुंदोंदि, बे रांखांथि बोसोरनि गिबि 6 दाननि गेजेराव भारतनि जिडिपि हारा 7.5 जौखोन्दोनिखुइ बांसिन जाबाय।

जायोब्ला गवाआ बेनि थाखाय दसे आबुथि गोनां राइज्यो। बे सिकर जथुमायाव फैनाय गासै लानानै थांगोन।

NOTICE INVITING TENDER

Sealed Tenders are invited in plain papers affixing postage stamp amounting Rs. 8.25 (Rupees eight & twenty five paise) only from reputed firm/ contractor with experience for the following works under 15th-FC (Untied Grant) fund for the year 2023-24 under Jalah Dev. Block of BTC area.

Sl. No.	Name of Scheme	Amount
1	Const. of Community Hall at Rupohi	Rs. 17,20,194.00

Terms & Conditions:-

- % for SC,ST & OBC, 2% for General of the Estimate Amount for the each scheme is to be deposited as earnest money by Bank Draft/FD in the name of B.D.O. Jalah Dev. Block along with tender which is refundable after completion of the work.
- 0.03 % of Estimate Amount for the each scheme is to be deposited as Cost of Tender Paper by Demand Draft in the name of Principal Secretary, BTC, Kokrajhar along with tender which is non refundable after completion of the work.
- The rate for the work should be as per the Plan & Estimate already specified in proposal.
- The work should be completed within 3 (Three) Months from the date of the issue of the work order.
- The quotations along with required documents should be submitted by the date 23/02/2024 Till 2.30 p.m. in the office of the undersigned.
- The Tender will be opened after the closing time on the same date in presence of the bidder.
- The lowest rate Tenderer will be eligible for selection for the work.
- The tenderer will have submit up to date Contractor Registration Certificate (PWD), Labour Licence, GST Clearance Certificate, Pan Card, Aadhar Card, Caste Certificate, BOQ etc.
- In case the office remains closed on tender issuing/receiving/opening date the same will be issued/ received/opened on next working day.

Sd/-
Block Development Officer
Jalah Development Block
Jalahghat

Memo No.: JDB/15th-FC/Pt-II/4/2023-24/7574-(A) Date-01/02/2024

मालद्वीपयाव चीननि दावबायारिफोरा भारतनिखुइ बांसिन जाबाय

गोदान दिल्ली, 6 जानेवारी: भारत आरु मुइज्जु सरकाराव सोलिनय जेनेनानि गेजेरजों मालद्वीपयाव चीननि दावबायारिफोरनि आनजिमाया भारतयारिफोरनिखुइ बांसिन जादों। मालद्वीपनि टुरिस्म मिनिस्ट्रीआ समबारखालि दावबायारिफोरनि डेटाखौ फोसावदों। बेनि बायदिब्ला, मालद्वीपयाव 4 फेब्रुवारीसिमाव फेनाय दावबायारिफोरनि गेजेराव बयनिखुइ बांसिन चीननि सा 23,972 सुबुंफोर। थानाय 2023 याव मालद्वीपयाव चीननि दावबायारिफोरनि बिथिडव थामथि नम्बरावमोन। बेराफारसे मालद्वीपयाव थानाय बोसोराव बयनिखुइ बांसिन भारतयारि दावबायारिफोर थानोंमोन, बेयो बे बोसोरनि फेब्रुवारीसिमाव 5थि नम्बराव फेयो। बे बोसोराव सा 16,536 भारतयारिफोराल मालद्वीपयाव बेययहेंदों। बेयाव फेब्रुवारीसिमाव गासै दावबायारिफोरनि गेजेराव भारतनि बाहागोया 7.7 जौखोन्दो आरु



चीननि बाहागोया 11.2 जौखोन्दो जाहैबाय। पिएम मदिआ 3 जानेवारीयाव लाक्षाद्वीप दावबायहेंदोंमोन। बिथाड बेयावनि समाइनाजों लोब्बा गोनां सावगारिफोरखौ शेयार खालामनानै बुंदोंमोनदि, मिथिगायारि समायनानि अनगायै लाक्षाद्वीपनि गोजोनाबो बयनिबो गोसो बोबो हायो। बेनि उनाव लाक्षाद्वीप आरु मल्लद्वीपखौ रुजुनो हमदों। बेनि सायाव मालद्वीपनि माखासे मन्त्रिफोर

पिएम मदि आरु भारतनि हेंथायै लाजिनांथाव बिबुंथिहोदोंमोन। भारतनि सायाव अजद दिखिंथाव बिबुंथिफोरनि उनाव शरल मिडियाआव बयकट मालद्वीप खालामनो हमदोंमोन। बे समाव मालद्वीपनि हादतगिरि महम्मद मुइज्जुआ चीन दावबायदोंमोन। बिथाडा चीननि हादतगिरि सि जिनपिंनफ्राय बांसिन दावबायारिफोरखौ मालद्वीप दैथाइ हरदों होन्ना दाबि दैखांदोंमोन। मालद्वीप

फेफिन्नायनि उनाव बिथाडा रावनिबो हादतआ बिसोरखौ थगायनो हाया होन्ना बुंदोंमोन। मालद्वीप-भारतनि गात्रि जानाय सोमोन्दोफोरनि बयनिखुइ बांसिन खहाया बेयावनि टुरिस्म इन्डास्ट्रीनि सायावनो जागोन। बेनि गेजेरजों मालद्वीपनि कटुरिस्म इन्डास्ट्री एमएटिआइआ मंगलबारखालि भारत आरु नरेन्द्र मदिनि हेंथायै खालामनाय गावनि मन्त्रिफोरनि अजद दैखांथाव बिबुंथिफोरखौ सांखारिदोंमोन।

आसामाव समाजारि-रांखान्थि सार्भेजों गुबै हादतयारि मुस्लिमफोरखौ नायबिजिगोन

गुवाहाटी, 6 फेब्रुवारी: आसामनि गासै सुबुं आन्जिमाया 3.66 कौटि। बेयाव 1.17 कौटिफ्राम सुबुं अन्जिमाया मुस्लिमफोर। बिसोरनि गेजेराव 42 लाखआल हादतारी होन्ना सरकारआ बुंदों। आसामआव थानाय 70 लाख मियाफोर (बांलादेश) नि मुस्लिमफोरनि गेजेराव गिखांनय दड। मानोना आसाम सरकार गुबै असमीया सुस्लिमफोरखौ स्वदेशी एबा रइज्योनि आंगो होन्ना बिसोरनि समाजारि-रांखान्थियारि सार्भे खालामहोनो फोसावदों। खौरनि बायदिब्ला सार्भेआ फेब्रुवारी जोबनायर्थि जागायनो हागौ। गुवाहाटी हाइ कर्टनि गागि उकिल आरु गुबुन गुबुन सरकारि समिटिफोरनि सोदोमा नेकिबुर जमानआ बुंदों, स्वदेशी एबा हादतनि आंगो मुस्लिमफोरखौ सार्भे खालामगोन। बयनिबो फर्मेटआबो थियारि। बेयाव



भुगिनांगाफोरनि रिकर्डआ मख 'जाथाव अन्जिमानि जागोन। स्व 'देशीखौ सिनायथिनानै बिसोरनि जौगाखानानि थाखाय स्वायह परिषदफोरबो बानायनय जागोन। गुबुन मुस्लिमफोरहा मा जागोन बेखौ आथिखालाव थि खालामनाय जायाखै। आसाम सरकारआ मोन 5 हारि गरिया, मरिया, जलाह, देसि आरु सैय्यदखौल' स्वदेशी होन्ना गनायदों। बिसोरो आपार आसाम थामहिनबा साहा बागानफोरनि

थिथि-खालायाव संसार जानानै दड। बिसोरा बांलादेशजों जेबो लोब्बा थानायनि जागिमिन गैया। मरियाआ उन जाना थालानाय थाखोनफ्राय फेनाय। देशी कच राजबंसि आदिबासिमोन, जाय गोबां बोसोर सिगां धोरुम सोलायनानै मुसलमान जादों, बेनिखायनो बिसोरखौ असमिया होन्ना गनायजायो। आसामनि माइनरिटी एन्ड माइनरिटी एरिया डारेक्टरआ बे सार्भेखौ खालामगोन। बेनि

डायरेक्टर सैयद ताहिदुर रहमानआ बुंदोंदि, सार्भेआव मोनसे एसअपिखौ सरकारनो गथायदों। गनायथि मोनोब्लानो बेनि खामानिया जागयगोन। डारेक्टरआ न'-न' थानानै सार्भे खालामनायनि माखासे नेम-खान्थि थियारि खालामदों। बेयाव गानाय-जोमनाय, बाश्रा बुंनय, फोरमान बिलाइ गासैखौबो नायबिजिगोन हागौ। अदेबानि सार्भेआ लकसभा बिसायखथिनि सिगां जानाया गोब्राव।

भारतनि सिमना रैखाथिजों जेबो रोखोमनि गोरोबथा खालामनाय नडा: मन्त्रि अमित शाह

गोदान दिल्ली, 6 फेब्रुवारी: मिरुनि नखर मन्त्रि अमित शाहआ समबारआव बुंदोंदि, सरकारआ गासिबो हादतफोरजों मोजों सोमोन्दोखौ हास्थायो। नाथाय भारतनि सिमना आरु हादतनि सुबुंफोरनि रैखाथिजों जेबो रोखोमनि राधाय खालामनाय नडा। बिथाडा बुंबावोदि, मदि सरकार गावनि 10 बोसोर खुंथाइयाव इसिआरि रैखाथिनि नोजोरै मोन 3 मख 'जाथाव ओन्सोल जम्मु-काश्मीर, सा-सान्जा आरु वामपथि उतखारिजों गोहोम गोरलैनाय ओन्सोलफोराव जाफुंसार महरै सामलायनो हानाय जादों। नखर मन्त्रिआ 'रिक्युरिटी बियान्ड टुमोर': फर्जि इन्डियाज रैजिलिएन्ट फिउचार' आयदानि सायाव खुंनय मोनसे सावरायमेलआव बाहागो लानानै बेफोर बाश्राखौ



बुंदों। मन्त्रि शाहआ गावनि बिबुंथियाव बुंदोंदि, गुबुन हादतफोरा सरकारनि बे खान्थिखौ सन्मान होदों। थानाय सरकारफोरा नारसिन्ना होनाय खान्थिनि जाहोनाव इसिआरि रैखाथिजों लोब्बा गोनां जेनाफोरा नुजादों। गावसिनि सरकारआ उतखारिनि अनगायै बेनि


इउसिस्टेमआवबो नायसंदों। बिदिन्थि हिसाबै शाहआ बुंदों, मदि सरकार जानायनि सिगां जम्मु-काश्मीरआव हान्जायारि अन्थाइ खुबैनायनि जाथाइफोरा 2,600 नि बांसिन जाथाइफोरा जायोमोन, जायनि जाहोनाव सा 110 नि बांसिन सुबुंफोरनि जिउ गोमादों आरु 6,000 नि बांसिन जोखोम

जादों। नाथाय आथिखालाव जम्मु-काश्मीरआव अन्थाइ खुबैनायनि मोनसेबो जाथाइ नुजाथिया। बेफोर बायदि जाथाइफोरा जोबथालांवाय। मदि

सरकारनि समाव काश्मीरी लाइमोनफोरनि आखायाव अन्थाइनि जायगायाव टेबलेट आरु लेपटप दसै। मदि सरकारआ 10 बोसोराव 70 बोसोरनि आंखाल जाना थानायफोरखौ जानगार होनायनि खामानि मावदों। इउपिआइ डिजिटेलआ भारतनि गोदान। सिनायथि बानायदों। मुलुगनि माखासे हादतफोरा इउपिआइखौ गनायथिदों आरु 10 बोसोर हादतआव राजखान्थिआरि दिदोमथि, गेना-खान्थि, उदां खुंथाइ, सुबुं जौगाखां आरु गोजोन थासारि लाबोदों।

नासाआ बुहुम बायदि सुपार आर्थ संदाना दिहुदों

गोदान दिल्ली, 6 फेब्रुवारी: आमेरिकान अख्रामा एजेन्सि नासाआ मोनसे सुपार आर्थ मुनि ग्रहखौ संदानों आरु बेखौ लानानै बेयाव जिउयारि थानो हागौ होन्नाहै हमदोनाय जादों। मख 'जाथावदि, बे ग्रहआ बुहुमनिफ्राय 137 सोरां बोसोर गोजानआव दड। बे सुपार आर्थखौ टिअआइ-715 बि मुं दोन्नाय जादों आरु बेयो बुहुमनिफ्राय से खावसे गुन देरसिन। नासानि बादिब्ला, बेनि सा बाहागोआव दै थानो हागौ आरु बेयो बुहुम बायदि नैथि ग्रहबो जानो हागौ। नासानि



बादिब्ला, बे ग्रहनि गुबै गुदि बिथाखौ रोखा मिथिनो हायोब्ला बेयो ट्रेन्जिटि एक्सप्लेनेट सार्भे सेटेलाइटआ संदानानै दिहुन्याय बयनिखुइबो फिसासिन जिउयारि थाथाव ग्रह जागोन। नासानि बादिब्ला, बे ग्रहआ

सुबुंफोर थाथावना जानो हागौ। लोगोसेनो एजेन्सिआ बुंदोंदि, ग्रहनि वेब टेलिस्कोपनि गेजेरजों जोबोद सांग्राइ नायबिजिगनाय जादों, लोगोसेनो बैयाव मा बादि आबहावा दडबेखौबो संदानाय जादों।

नितिश आरु शाहनि थाखाय चिराग पासवानआ जेना सोमजि होगोन

पाटना, 6 फेब्रुवारी: जुथाय दोलोआव गावसोरनि देहासासनाय लकसभा मासिफोरखौ लानानै

जेनायाव गोरलैनाय लजपा (र) एबा लक जनशक्ति पार्टिआ गोदान मासिफोर नागिरनायाव नांथाबदों। बेयाव थानाय 2019 आव देहानाय मोन 6 मासिफोरा दफायो। दोलोनि माहारियारि आफादगिरि चिराग पासवानआ मोन 11 संसदीय ओन्सोलफोराव शिट नागिरनायनि बिथोनखौ रइज्यो आफादनो होदोंमोन। बेनि सायाव बिथा खालामनानै सा 11 बिबानगिरिफोर थिसनो। रइज्योनि आफादगिरि राजु तिवारिआ फोरमायनाय बादिब्ला, जुदि बे मासिफोराव पार्टिनि बिजाथि फसंडेब्ला बिसोर देहागोन ना देहाया



बेखौ नायबिजिगोन। बिबानगिरिफोरनि फारिलाइआव हाजिपुर-अरबिन्द कुमार सिंह, जमुइ-अमरनाथ सिंह उर्फे अमर कुशवाहा, खगडिया-सुरेश भागत, समस्तिपुर-मिथिलेश निषाद, वेशाली-रकेश कुमार सिं, नवादा-अक्षय कुमार सिंह, गपालगन्ज-परशुराम पासवान, सितामढी-डू शाहनवाज

आहमद केफि, बाल्मिक्शि नगर- सुरेन्द्र भिभेक, बेगुसराय- इन्दु काश्यप, जहानाबाद-रामाश्रय शर्मा उर्फे पुनदेब शर्मा मोनहा दफायो। दोलोनि गाहाइ बुंथिगिरि राजेश भट्टआ फोरमायदों, गासै बिबानगिरिफोरखौ गावबा-गाव ओन्सोलफोरनि थाखाय थि खालामनाय जादों।

गपालगन्ज, सितामढी, भाल्मिक्शि नगर आरु जहानाबादनि लकसभा मासिफोरा आथिखालाव जेडिडिउनि खाथियाव दड। बेगुसरायनि एमपिआ बिजेपिनि गिरिराज सिंह। मिथिनो मोन्नाय बादिब्ला, लजपानि मोननै हान्जाफोरनि जेनाखौ दासिमबो बोसोनां हायाखै। पशुपति कुमारआ पारस हाजिपुरनिफ्राय बिसायख थि गेलोनो थाखाय गसदों। चिरागजों सोमोन्दो गोनां आगुनि एमपि अरुण कुमारआ जहानाबाद आरु नवादानि थाखाय थियारि खालामनाय जादों। बियो जहानाबादनि एमपि जाखांवाय।

आमेरिकाआ भारतनो एमकिउ-9 डून हरनो फोसावबाय

वाशिंगटन, 6 फेब्रुवारी: आमेरिकाआ भारतनो एमकिउ-9 बि प्रिडेटर डूनखौ फानहरनो गनायथि होबाय। मोनफ्रोम रैखाथि रादाइखौ लानानै आमेरिकाआ फिन्नाय फोसावदों। आमेरिकाआ बुंदोंदि, 4 आरब डलारनि हमदोनाय बेसेनजों भारतनो गं 31 डून फानहरगोन, जायजों भारतनि लैथोमा रैखाथिआ गोखोंसिन जागोन। आमेरिकानि गुबुन हादरयारि बिफाननि लेडाइ बुंथिगिरि भेदान्त पाटेलआ फोरमायदोंदि,

बे डूनखौ फानहरनाया भारतनो लैथोमा रैखाथि आरु लैथोमायारि बिथिडव सांग्रांथि गोहो जगायनानै होगोन। बे रैखाथि रादाइजों भारतआ बै उरांफोरनि आबुं मोन्थायबो मोनगोन आरु बे फोथाराव गावसोर भारतयारि शेयारिजों हेफाजाबखौ गोखोंसिन खालामगोन। मख 'जाथावदि, आमेरिकाआ 3.99 आरब आमेरिकान डलारजों भारतनो गं 31 एमकिउ-9 बि डून फानहरनायखौ थानाय सप्ताहआव गनायथि खौफोदफोरजों जुजिनयनि थाखाय भारतआ गोहो



लामाफोराव नोजोर लाखिनाय तही पेट्रॉलिनि गेजेरजों आथिखाल आरु इयुनि खौफोदफोरजों जुजिनयनि थाखाय भारतआ गोहो

गोरासिन जागोन। बे डून रादाइखौ 2023 नि जुन दानआव गाहाइ मन्त्रि मदिआ आमेरिकायाव दावबायहैनाय समावनो फोसावदोंमोन।

No.UWRD/NIT/2023-24/03

Date: - 06/02/2024

NOTICE INVITING TENDER

Sealed tender in prescribed form (to be eventually drawn up in A.P.W.D.H/F-2 Form) tender affixing non-refundable court fee stamp of Rs 8.25 (Rupees eight & paise twenty five) only are hereby invited from the registered contractors/ firms under the Water Resources Department for the year 2023-24 for the following works. An earnest money of 2% on the value of work for each package of work (1% in case of SC/ST/OBC/MOBC etc.) in the form of Fixed deposit/Demand draft from any Indian Nationalized Bank including State Bank of India and its associated Banks duly pledged to the Executive Engineer, Udalguri W.R. Division, Udalguri is necessary along with the tender form. The tender will be received in the office of the undersigned up to 2.00 P.M. of 19.02.2024 & will be opened on the same date, hours & place. In case of opening of the tender happened to be a holiday/ bandh for any unforeseen reason, the next working day will be considered as the last date of receipt/ opening of the tender.

Detailed notice inviting tender, item of works, specification of package etc. for the schemes may be seen in the office of the undersigned during office hours on any working day up to 19.02.2024.

Tender paper is to be obtained from the office of the undersigned on payment of Rs.200.00 (Rupees two hundred) only per copy (Non-refundable) in the form of Bankers cheque/Demand Draft only from State Bank of India duly pledged to the Executive Engineer, Udalguri W.R. Division, Udalguri during office hours on all working days from the date of issue of tender notice.

Payment will be made on availability of fund on appropriate head of Account only and no claim of interest will be entertained for delay of payment.

Sl. No.	Name of Scheme	Approx. Value (Rs.)	Item of Work
1	Protection works of Suklai L/B earthen embankment at Singrimari village.	Rs. 13,00,000.00	Supply and launching of P.S.C Porcupine
2	Erosion protection works on its R/B of river Chandana at Baithonia area.	Rs. 14,00,000.00	Supply of man size (23cm to 30cm) river boulder, Galvanized Hexagonal wire netting rolls, W.N. sheets etc.
3	Protection of Gurihati village from Ghaga river under SOPD plan for the year 2023-24 (Pt-I).	Rs. 14,00,000.00	Supply, carriage, filling and laying of Geo-bag Type-A, Supply of W.N. sheets etc.
4	Anti erosion measures to protection works at Hajojuli (Begunbari) area from the river Daisam.	Rs. 13,00,000.00	Supply of man size (23cm to 30cm) river boulder, Galvanized Hexagonal wire netting rolls, W.N. sheets etc.
5	Anti-erosion measures at the R/B of Sapkhaiti River Near Udalguri Civil Hospital, Udalguri.	Rs. 12,90,000.00	Supply, carriage, filling and laying of Geo-bag Type-A, Supply of W.N. sheets etc.

Terms & conditions: -

- The undersigned is not bound to accept the lowest tendered rate and reserves the right to reject the tender without reason thereof.
- In case of flat rate quoted by the Contractors/Firms, the decision for allotment of works will be finalised by the competent authorities.
- Payment will be made on availability of fund. No claim including interest on principal amount of bill what so ever will be entertained for delayed payment due to non-receipt of fund in time from Govt./funding agency & the department will in no case will be held responsible for the same.
- The undersigned reserve the right not to accept the lowest quoted rate and may reject any/all tender without assigning any reason thereof.
- All other terms & conditions will remain same as per rule and procedure followed in W.R. Department, Assam.
- Rate, Registration no., GST no., PAN no., detailed address including phone no., etc. to be quoted on the body of tender form clearly.

IPR(BTC)-2023-24/1321

Sd/-
Executive Engineer
Udalguri W.R. Division, Udalguri

जिंकनि आंखालआ गथ 'फोरनि जौथाय आरो लिरथाइखौ बाडाय खालामो

गथ 'फोरनि थार जौगाथायनि थाखाय मोनसे जाग्रा आदार होनाया गोनांथार। देहायाव जिंक गैथैनि जाहोनाव गथ 'फोरनि जौथाइ आरो देहायारि जौगानाया गोहोम खोखलै नो हमो। गथ 'साफोरनिफ्राय लानानै बैसो जानायसिम जिंकआ बयनिबो देहानि थाखाय गोनांथार। बबेखानि देरनाय बैसोआव नांगो जानाय आदार गैथैनि जाहोनाव गथ 'फोरनि जौगानायाव गोहोम गोगलैयो। बेनिखायनो जिंक आरो गथ 'फोरनि आदारजों बुंफबनाय गुबुन भिटाभिन आरो खनिजफोरखो लाफा। गुबैथै जिंकआ देहायाव इम्युन सिस्टेमखौ गोखौं खालामो। जिंकआ देहायाव गारायफोरखौं फाहामनो आरो लिरथायखौं थि लाखिनायाव मदद खालामो। गोबोआव थानाय समाव गथ 'नि थार जौगाथायनि थाखायबो जिंकआ गोनांथार। गोबां खेब सुबुंफोरा देहायाव जिंकनि आंखालखौं हमनो हाया। जुनियथै सुबुंफोरा गथ 'फोरनि



नुनो मोनो, अब्ला बुजिना ला दि देहायाव जिंकनि आंखाल दं। गथ 'फोरनि देहायाव जिंक खम जानायनि लैखोनफोर हमनो हायो, बेनि थाखाय गोबां नेरसनफोर दं जायनि गेजेरजों नोंथाड गथ 'नि देहायाव जिंकनि आंखालखौं हमनो हायो। नोंथाड बेफोर लैखोनफोरखौं नायनांगोन। जुदि बेखौं नुनाय जायो अब्ला थाबैनो सासे डाक्टरनि सुबुरुन ला। जिंकनि आंखालआ गथ 'नि जौगानायाव गाजि गोहोम

मोनैनि जेंना खिन्थायो अब्ला डाक्टरनो खेबसे दिन्थि। गथ 'नि देहायाव जिंकनि आंखाल जानो हागौ। 2. लिरथाइ आरो जौथाइयाव जेबो फाराग नुनो नाड: जुदि नोंथाड गोबाव समसिम गथ 'नि जौथाइ आरो लिरथाइयाव जेबो सोलायनाय नुयाब्ला। जुदि गथ 'आ बैसो बायदियै देरनो हाया अब्ला देहायाव जिंकनि आंखाल जानो हागौ। बेनि थाखाय खेवसे

बिथाड बारा गोसोआव गैया अब्ला बेयो जिंकनि आंखालनि थाखायबो जानो हागौ। माखासे गथ 'फोरा सानाव मा जायोमोन बेखौंबो गोसोआव लाखिनो हाया। फरायनायाव नोंथाड गोसोआव थानाय गासैखौंबो बावगारना लायो। जिंकनि आंखाल जायोब्ला बेबो जानो हागौ।

4. दुखु मोन्नाय एबा गारायफोरखौं गोबावजों फाहामनाय: गथ 'फोरा गोबां समावनो माबा मोनसे दुखु मोनबाय थायो। बबेखानि गथ 'फोरनि फाहामनायनि गोहोआबो जोबोद गोजौ। बेबादि थासारियाव जायखि जाया दुखु मोन्नाया गोरलैथैनो हामजायो। जुदि जोखोम एबा गारायफोरखौं फाहामनो गोबाव जायो अब्ला गथ 'नि देहायाव जिंकनि आंखाल जानो हागौ। बेखौं फिसा होना नेवसिमो नाड। गोखैनो डाक्टरनि सुबुरुन लानांगौ।

5. गोखै खानाय गनाय: खानाय गनायाबो बैसो बांनयजों लोगोसे जागायजेनो। जुदि उन्दै बैसोआवनो गथ 'फोरनि खानाइया गोखै गुनो हमो, अब्ला देहायाव निडट्रियेन्टनि आंखाल जानो हागौ। गुबैथै जिंकनि आंखालनि जाहोनाव, खानाइया गोखै गुनो हमो।



देहायाव जिंकनि आंखाल दं ना गैया बेखौं हमनो गोब्राब मोनो। बेनिखायनो माखासे लैखोनफोरखौं नोजोर होनांगौ। जुदि बेफोरनि मादाव बबेबा लैखोना गथ 'फोरनि देहायाव

खोखलैनो हागौ। 1. उखैनायनि आंखाल: जेब्ला देहायाव जिंकनि आंखाल जायो अब्ला बेयो उखैनायाव गोहोम खोखलैयो। जुदि गथ 'आ जानो थाखाय थियारि नड, उखैनाय

डाक्टरजों सुबुरुन ला। 3. गोसोखांथिनि लोरबांथि: गथ 'फोरनि गोसोखांथिया जोबोद गोखौं नाथाय जुदि नोंथाड गथ 'नि गोसोखांथिखौ लोरबां मोनदोंब्ला। जुदि

हांगार

हाबिलासनि गुसेब सिमा जायनि गोसोयाव दड नंगो बेनो सुबुं। धोरमनि मुं लानानै संसार सिफायग्रा बेसोरनो गोसोम हांगार। गावसा गावसि हनै सुबुंनि धोरम गुबुंले जाबाय गावनिनो गोरोन्यथाव करान बाइबेल उपनिषद सोरनि सायाव होखारनो दाइ ? इनायनि बेंथा-बेंथि हस्रिकावनाय सिथारनाय उदां अखाडव गोसो हांगारनि उखुन्दै गेसाव मोनामदों सुबुंनिनो खामफ्रामनाय आगोमा सोलेर, गोसोम हांगारनि गोहोजों बिरबायनाय अखांनि फेरेंगाया मिनिहरदों गां बुब्राबनानै सुबुंनि धोरम गुबुंले लैथोखौं मानोना सुबुंन दिनेहाय मिथिगाजों मुगैजानाय जिब।

श्री मोकथां बसुमतारी बि ए गामि-सा-देवलगुरि

सिन्दुर

बिमा बर' हारिनि सिन्दुर हिनजाव माहारिनि गोमा लांदोंमोन बर' बिमा आलाइ सिलाइ जाबायमोन। सिनाया जाबायमोन बिदा फंबाय सारअन्थाय बेरदोंमोन बर' गामियाव श्राव-श्राव गुम-गुम, ग्राम-ग्राम हुम-हुम, हाम-हाम हादोंमोन अखा दामब्रा बोहेलांदोंमोन गोजा थैनि बाना। लोगो लोगो मोदेनि अखा हानानै सुम्रा लांबाय हिन्जाव माहारिनि खाफालनि गोजा सिन्दुरखौ गोमा लांनबाय मोदोमजों थाफानाय गहेना। गोमालांबाय गोबां बिदा-फंबायनि सह', बुरैनांबाय गोबां बर' आइजो रान्दि जानांबाय गोबां आयजो। आश्रम खुलिदों आसामाव बर' हिजावफोरनि दुखुखौं नुनानै मुड बिनि सुवालकुसी नाथाइ बिगुमाया सोर बिनि ? हे आइ बर' बिमा/अनसाइ हरदों आइजोफोरखौं थिनहरदों सिन्दुर फुननो। मोनबाय बर'आ दखरसे बि टि सि गाइसनदो बर' आश्रम मुं होनो बि टि सि आश्रम।

मुश्री गलक बसुमतारी गामि-सनत्तला ला:सो:- जारकना जिला-बागसा बि टि सि आसाम।

रंजालि गथ 'फोरनि सौरा

गोरोबनै खन्थाइ

जिउखां राहा गैया जायनो जायो मा मावनो मा मानो

बेयावनोथ' जिंगोर जिंगोर बिलिर फैयो दाहा दिखार

आमेज सोदोबनि सोदोबथि मोनाखै आंबो गुमुरथि

सोरबा हायोबा फोरमाय हर आंगोनि आंगो लोगोफोर

पैदोम बर', माजदिया, बगुलामारि, बाक्स

ऐ जोमै

थादयै नायफिनै नों दाखा-दाखा महरै बबाव थानो उरायै नोंनि महरखौं आं नायै बुजिबाय नों थान्दै। रथ' रथ' जोमै

गोसो इसिनि खोथा लांफाथ', ददेरे मायनावनि लागै हायोब्ला लांफानो जोमै थानानै नों, जानानै अखा फोरमायहै नों जुजाय अरनि खोथा आंखौं खामनायनि। हाबिलास जाबायदों जानांगौ बियो आंनि खोथा मोन्नो, थां जोमै थां गोखोयैनो थां। आरो दा बावगारदे बिनि खोथा मोनबोयोब्ला जोंनि गामिजों नों फैफिनोब्ला आंनो बिलाइलानो।

मुश्री परेस बर' गामि-सनत्तला ला:सो:- झारकना जिला-बागसा बि टि सि आसाम।

अनायनि फाख 'नाव

अनायनि बैथाजों मोजां मोन्नायनि दिडखौं जावदोंमोन आं नोंखौं लानानै गोबोआव रोजासे मिजिं लानानै। लैथो रुगुडव जारौ साननि रिफिनाय दावब' फालो अखरां सायाव, हाब्रां सेर सेर दावमा-दावसानि मेथाइ बेसे गोजोन्थावमोन। नाथाय हालिया आं सौहैनो थोखि याव मेगन गोसा बारहुंखानि सिमब्रेनायजों थलं-थफं गुथालाव गेलेंनांबाय। जैरेबो नायहरो नुसया रुगु थानो बोरै फैफिनो बोरै हारिया जावनो बैथायानो बायफलेबाय। मिथिलिया आं रानथे लिया दाहानि मोदैया नों मिनिदों ना गाबदों।

गोमानाय हारिमु

जोंनि हारिमुया गोदो गोबां दावगामोन। नाथाय दा जोंनि हारिमुया गोमा लांबाय। रोजा रोजा धोनि सुबुंनि नेवसिनायाव रोजा बर' आयजोफोरा गावनि हारिमुखौं नागरनानै गुबुननि हारिमुखौं लाबाय। दिने बर' सुबुंआ हारिनि सोलोंथायखौं नेवसिना गुबुन हारिनि सोलोंथाय लाबाय। बर' बिमानि रावआ बेसेन गैया नामा ? गोदो बर' जोहोलावफोरा हारिनि थाखायनो जिब गोमानांदोंमोन। नाथाय दा बेनि बेसेनखौं रावबो मोनथिआखै। जाय सुबुंआ दिने बर' हारिमुखौं सिबिनो रोड बेयो हारिनि सुथुर।

अमर नाजरी गामि-पासालाबारि ला:सो:-बैलानापारा जिल्ला-सिरां, बिटिसि (आसाम)

सनजय बसुमतारी गामि-जोमोफुरि ला:सो:-रनसायधाम, जिला-सिरां /

आंनि हाबिला

नाजागोन आं सिमां मिजिंखौं, मोकथां महर मोननो.... ! फोथायगोन आं जेब्लाबो अनज्जायनायनि धोरमखौं। खौसेथिनि लामायाव बयखौंबो बजबना लागोन... !! अरायबो फोजाखांगोन बाउलुति बर' बिमाखौं....

आंनि हाबिला सिमांनिफ्राय मोकथां महर मोनथों। दै बायदि जिरि जिरि बोहैबाय थाथों आंनि जिउआ....

गुसु सुदेम बार बायदि गोजोन जाथों आंनि देहा सोलेरा। मिथिगा बिमाजों अरायबो गोरोबफाना थानो आं हानायबायदि। बिमा स्वरसथि बायदि गियानि सोलोंथाय सोनो हाग्रा बायदि जानो लुबैयो आं.... !!! आंनि साननाय-हनाय मिजिंफोरा मोगथां महर मोनथों... आंनि हाबिला मोनफ्रोमबो फारफ्रोमबो जाफुंथों... !!!

मिस सुजुराणि दैमारि

जोहोलाव हानजा

सिगाडे नोंसोर जोहोलाव हानजा मोनसे थांखिखौं गोसोआव थि लाना, गावनि गांनय-उखैनाय दोन्ना सान-हर थायनै मेगनजों नोंसोर। गोसोआव नोंसिनि मोनसेल' थांखि सानफ्रोमबो बर' हारिखौं उहांश्री लाबोनो, जेन्नाय-देरहानाया नोंसोरनिनो--- दावखो जोहोलाव हानजाफोर। सांग्रां जा, जीउन थोखि लाना गैया नोंसोरखौं सिगिनो हाग्रानि जुनात, नायहर हनै, पुलिसनि हानजा नोंसोरनि सायाव खाराव-माराव। बावलां जोब्याय जोहोलाव हानजा नोंसोर नखरनि हानजा फारसे, बिमा-बिफानि मेगनाव दै बाना सानस' हाया जीउन दिडखौं बोरै जावनो। नखरनि मिजिंखौं दाला हानजानि समाव दासान जोहोलाव हानजा बेफोरखौं नुनानै, नायहर हनै गावजोंगाव गावथारलायनाय फोजोबसां जोहोलाव हानजा बेफोर खामानिखौं। दानांगोन जोहोलाव हानजा हारिखौं, लाबोनांगोन बे हारिखौं अरायबो उदांश्री।

मुश्री राज कुमार सोरगियारी

महर बोगोरि

श्री पबित्र बसुमतारी।

महर बोगोरि आं बे मुगानि हागोनदा आखिनो- गोसो गोबोनि सान्नायखौं ? सानो आं गोसोनि बाश्राखौं फोरमायनो सुबुं लैथोनि बिखायाव रान्ना होनो नाथाय सोर मिथिनो ? आंनि थुलिखानि रावखौं- सुबुंनि नोजोराव जीउ गैथे आं सैना दोन्नाय गंसे सावगारीसो रायदावगोन सोर आंखौं ? मिथि मोनगोन दा- ? थुलिखानि खायलें खुइलें बोनाय राव गैथे सावगारीनि गाबखौं। नाथाय बेयावनो थाखोमादों गासै आंनि- सुखु-दुखु गावनाय मिनिनाय मेंनाय-बानाय। हे ! सुबुं माहारि- अन्नानै नाय नुनो मोनगोन सान्नानै नाय बुजिमोनगोन रायज्जायनायनै नाय राव मोनगोन दांनानै नाय साखाथियाव मोनगोन आगानफ्रोमबो दावगालानायाव आं थुलुंगा मोनगोन।

मध्य प्रदेशनि हरदायाव पटका फेक्टरी बेरफ्रुनाय जाथायाव सा 6 सुबुंफोरनि जिउ ख'हा जायो

हरदा, 6 फेब्रुवारी: मध्य प्रदेशनि हरदा जिल्लायाव मोनसे आयेन बेरेखा फटखा फेक्टरीयाव हरखाब फेरफ्रुनाय जाथाइ जायो। सहरान मगरधा रडआव थानाय गंसे आयेन बेरेखा पटखा फेक्टरीआव मंगलबार फुंआव बेरफ्रुनाय जाथाइनि उनाव गिखंथाव अर खामो। फेक्टरीयाव पटखा बानायनो दोन्नाय मसलाफोराव अर नाहेनानै जोबोर गोखैये बेरफ्रुनाय आरो बे बेरफ्रुनाया ओन्सोलाव 20 कि: मि: गोजानसिम सुबुंफोरनि न'-बांफोरा मावग्लुहैयो। बेनि जाहोनाव ओन्सोलनाडे गिखानाय आरो दुंहाव थासारि सोमजियो। सुबुंफोरा खारसारलानो हयो। जाथाइनि खौरं मोनानै अर लुखोमोरना हान्याया फैनानै गोखौं नाजानायनि गेजेरजो अरखौ लुखोमोरनो हायो।



जाब्रबथायनि उनाव मध्य बिबानगिरिफोरनिफ्राय खौरं प्रदेशनि गिबि मन्थ्र महन लायो। बिथाडा मोनसे यादबआ हरदायाव अर खामनाय इमार्जेन्सि जथुमाबो खालामो। जाथाइनि बागै गगि अदेबानि पटखा फेक्टरीआव अर

खामनाय जाथाइआ माबोरे सोमजिखानो बेनि बागै रोखा मिबथिनो हानाय जायाखै। जाताइयाव फेक्टरीआ आबुडे

सिलिंखार जायो। मिबथिनो मोन्याय बायदिल्ला, फेक्टरीआव सा 500 सो सुबुंफोरा खामानि मावगासिनो दंमोन। हरदानि बे'गिरि ऋषि गार्गआ बे जाथायखौ लानानै बुंदोदि, गिबियाव बे जाब्रबथायाव सा 6 सुबुंफोरनि जिउ गोमानायनि खौरं मोन्दो आरो सा 59 जोखोम जादो। नाथाय थैनायफोरनि अनजिमाया बांनो हागो। जाब्रबथाइनि उनाव गुबुन गुबुन जिल्लाफोरनिफ्रायबो इमार्जेन्सि सिबिथाइ दैथाइहरनाय जादो। भुपालनिफ्राय गं 20, इन्दोरनिफ्राय गं 15, देवासनिफ्राय गं 10, खेडवानिफ्राय गं 15, हरंगंमाबादनिफ्राय गं 10, बैतुलनिफ्राय गं 3 एम्बुलेन्सफोरखौ दैथाइहरनायनि अनगायै गुबुन गुबुन जिल्लाफोरनिफ्रायबो एम्बुलेन्स मदत हरदो।

बांग्लादेशयाव म्यान्मारनिफ्राय मर्टर गुलि गावनायजो सानै सुबुंफोरनि जिउ गोमायो

ढाका, 6 फेब्रुवारी: म्यान्मारनि गेजेरजो गावहरनाय मर्टरनि गुलिजो बांग्लादेशयाव सासे आइजोको लोकोसे सानै सुबुंफोरनि जिउ गोमायो। बे गाग्लोबनायाव सासे गथ'बो जोखोम जायो। थानाय समबारखालि बे गुलिखो बांग्लादेशनि बन्दरबन जिल्लायाव धुमदम सिमनायाव गावखलायदो। सानजौफुनि गासे 2:30 रिगायाव नाइखंचारी। ढाका ट्रिब्युनलि रिपर्टनि बायदिल्ला, थैनायफोरखौ 50 बोसोर बैसोनि हस्तीरा बेगम आरो रहिया लेभार नवी हुसेन मुडे सिनायथि होदो। बे जाथायाव हस्तीरा बेगमनि फिसौआबो जोखोम जादो। नाइखंचारि पुलिस स्टेशननि बिबानगिरि (असि) आबुल मन्नानआ जाथायजो सोमोन्दो गोनां खौरंखौ फोसावदो।



जाथाइनि उनाव पुलिस आरो ओन्सोलखौ बन्द बानायनिफ्राय रेपिड एकेशन बेटेलियान मर्टरनि गुलि गावनायजो (आरएबि) नि सोद्रोमाफोरा सुबुंफोरनि जिउ गोमायो।

(1 बिलाइनिफ्राय)

गाहाइ मन्थ्र मदिआ गवाआव नैथि भारत गोहो..

मिथिगायारि गेसनि बाहागोखौ आथिखालनि 6 जोखोन्दोनिफ्राय 15 जोखोन्दोसिम बांहोगोन। गाहाइ मन्थ्र मदिआ बुडोदि, भारतआ सिगांनिफ्रायनो बुहुमनि थामथि बयनिखुडोबो देरसिन गोहो बाहायग्रा हादोर। बेयो थाव आरो एलपिजिनि थामथि बयनिखुडोबो देरसिन बाहायग्राबो। बेयो ब्रैथि बयनिखुडोबो देरसिन एलएनजी लाबोग्रा, ब्रैथि देरसिन रिफाइनर, ब्रैथि देरसिन अट'मबाइल हाथाइबो। साखा-खबनै आरो साखा-खबनै गारिफोरनि अनगायैबो भारताव मोब्लिबारी मटर-गारिफोरनि गोनांथियाबो बांवाय थादो। फेगो 2045 मायथाइसिम भारतायाव गोहोनि गोनांथिया नै गुन जागोन। थामहिनबा, जुदि जोनो सानफ्रोमबो 19 मिलियन बेरेल थावनि गोनांथि जायो, अब्ला 2045 माइथायसिम बेयो 38 मिलियन बेरेलसिम सौहैगोन। इयुनिन बेफोर गोनांथिफोरखौ नायनानै, भारतआ सिगांनिफ्रायनो थियायि जागासिनो दं। हादतनि खना-खनलायाव बाडइ बेसेनाव गोहो होनाय जादो। भारतआ ओरेबायदि मोनसे हादत जेराव मुलुगनां खेफोदिनि गेजेरावबो थानाय नै बोसोराव पेट्रुल आरो डिजेलनि बेसेना गाहायाव फैदो। भारतआ खालि गावनि गोनांथिफोरखौल' आबु खालामावै, नाथाय गोहो सेक्टराव मुलुगनि जौगानायनि दिगाखोबो थि खालामगासिनो दं। गाहाइ मन्थ्र मदिआ बुंवावोदि, दिने मुलुगनि रोंग'साफोरा भारतखौ थाबैनो थामथि बयनिखुडोबो देरसिन रंखाथि रहा जानायनि बागै रायज्ज्यायगासिनो दं। गुबुन फार्सेथि, गाहाइ मन्थ्रआ मुलुगनां थाव आरो गेस कम्पनीफोरनि सिइआ आरो रोंग'साफोरजो मोनसे सावराय मेलबो खुडो। गाहाइ मन्थ्रआ बुडोदि फेगो बोसोराव इन्फ्रा सेक्टराव 11.11 लाख कौटि रानि गोदान रं थिसन्यायनि मोनसे गेदेर बाहागोआ गोहो सेक्टराव थांगोन। बे बिबांजो, रेलवे, लामा, दै लामा, अखां लामा एबा न'आव जायखिजाया बिथायारि सानजथाइ लुनाय जागोन, बेयाव गोहोनि गोनांथि जागोन। भारतआ सिगांनिखुडि बांसिन गोहोआव रं इनभेस्ट खालामगासिनो दं। बेनिखायनो मोनफ्रोमबो मुलुगनां कम्पनिफोरा भारतनि थाव, गेस आरो गोहो सेक्टरफोराव रं इनभेस्ट खालामनो लुबैयो। गाहाइ मन्थ्रआ फोरमायोदि, हादताव सोदनाय गोहोखौ आथिखालनि 254 मिलियन मेट्रिक टननिफ्राय 45 कौटि मेट्रिक टनसिम बांहोनो थांखि लानाय जादो। गाहाय मन्थ्रआ गोथां गोहोखौ बोजबना लानो थाखाय भारताव नाजानायफोरखौबो गुवारै मख'यो। बिथाडा बुडोदि, पेट्र'कैमिकेल आरो पेट्र'लियाय दिहुन्थायफोरनि मोनसे गाहाय दैथायहरग्रा जानायनि उनाव, भारतआ थाबैनो हाइड्रजेन दिहुन्नाय आरो दैथायहरनायनि मिरु जाहैगोन। बिथाडा बुडोदि, मुलुगनि 17 जोखोन्दो सुबुं अन्जिमाया भारतायाव थायो, थैवब्लाबो कार्बन हगारनायाव जौनि बाहागोआ ब्रै जौखोन्दोल'। थानाय 10 बोसोराव सानखराडरि मोब्लिबनि गोहोआ 20 गुन बांदो। हादतयाव 9 रोजा पेट्रुल पाम्पफोराव 20 जौखोन्दो इथेनल गलायनाय पेट्रुलनि फान्नाया जागायबाय। आइडिब्लिइआव, कतर आरो भारतनि गेजेराव सोलिबाय थानाय गेस गोरोबथाखौ फिन मावफुंफिननो गनायथि जादो। मोनैबो हादतआ मंगलबाराव मोनसे गोदान गेस बायनाय गोरोबथायाव मुंसाइ होदोमोन, जाय 2028 मायथाइनिफ्राय 2048 माइथायसिम बाहाय जागोन। गोरोबथानि अरथाइया 78 बिलियन अमेरिकान डलार जागोन। पेट्रुल एलएनजीआ बुडोदि, बोसोराव 7.5 मिलियन टन एलएनजि लाबोनो थाखाय कतर एनर्जीजो मोनसे गोरोबथायाव सागान होदो। गोदान गोरोबथानि बायदिल्ला, एलएनजिनि थाखाय गोदान हारआ आथिखालनि हारनिफ्राय मोनफ्रोम एमएमबिटिड (मोनफ्रोम मिलियन ब्रिटिश थर्मल इन्टिफोराव गेसनि मोनसे जखाआव 0.8 डलार बाडइ जागोन, जाय भारतखौ 20 बोसोराव गासै 6 बिलियन डलार रैखा खालामगोन। पेट्रुलआ मोनै गोरोबथानि सिडव बोसोफ्रोमबो काटरनिफ्राय गासै 8.5 मिलियन टन एलएनजि लाबोयो। बेखौ सिपेनजि, हासार बानायनाय आरो मोब्लिब दिहुन्नायाव बाहायनाय जायो। खनिनि कम्पनी वेदान्ता लिमिटेडआ फेगो थाम बोसोराव थाव दिहुन्नायखौ नै गुन खालामनो थाखाय 4 बिलियन डलार रं इनभेस्ट खालामनो फोसावदो। कम्पनीनि मासिगिरि अनिल अग्रवालआ बुडोदि थाव आरो गेस फेहेरनाय हाबाफारिखौ गोखैये दावगालांहोनाय जागोन। अग्रवालआ बुडोदि भारताव सम्फदफोर थानाय हाथाइ दं नाथाय दुखुनांथाव महैर बेनि थावनि गोनांथिनि 15 जौखोन्दोल' बेवहाय दिहुन्नाय जायो। आद्रा थानाय थावखौ इमपर्टनि गेजेरजो सुफुंनय जायो।

बेसेन गोसा हारिमुवारि सम्पदखौ जौगाहोनो ...

फार्से गोदान आगान जागायनायनि थांखिजो बिटिआर सरकार आरो एनइएएसइसडिसिनि गेजेराव गोरोबथा खालामनो मोन्यायखौ बिटिआरनि गाहाइ मावफुं सोद्रोमा प्रमद बर'आ बाखायदो आरो फेबाय थानाय समाव बे गोरोबथानि गेजेरजो बड'लेन्ड हालामनि दानाय-लुनाय, आखाय इशान बिथिडव गोखौडे-जोगाखानायनि गेजेरजो बड'लेन्ड हालामनि जि दागिरि, आरिमुगिरिफोर रंखाथि बिथिडव जौगाखानो हागोनखौ मिजिथिनाय फोरमायदो।

खामानि नागिरनो थानानै सिक्किमआव सासे...

नम्बरनिफ्राय फन फेयोब्लाबो इयुन समाव बेनिफ्रायबो बि सुबुंआ गोमायो होना बिथानि बिसि किरन दासआ फोरमायना होदो। जायनि थाखाय नख'रनि सुबुंफोरा आथिखालाव जिंगासिनानै सानखानानै थानो गोनां जादो। थानाय गासै 10 सान नाडे बि सुबुंनि जेबो खौरं मोनैयाव आथिखालाव जायगानि नाग्रिजुलि पुलिसनो गोमानायनि सोमोन्दे गांसे केस थिसनो। मख'नो गोनांदि सोरबा अन्सायारि सुबुंआ बि सुबुंखौ नुनो मोनोब्ला जायगानि पुलिस एबा 6000623764 नम्बरव नख'रनिजो सुलाद लानो सुलुडव खवलायहरदो।

(1 बिलाइनिफ्राय)

फेगो 6 दाननि गेजेराव आसामाव पन्चायत बिसायख'थि..

थाबैनो केबिनेटआव थांखि लानाय जागोन। मख'नो गोनांदि, थाबैनो रज्ज्योयाव पन्चायत बिसायख'थि खुंनगोन नडब्ला 15 थि रंखाथिथारि आयगनि अनसुंथायनिफ्राय आसामआ जानगायव थानांगोन। बेनिखायनो फेगो 6 दाननि गेजेराव रज्ज्योयाव पन्चायत दाफुंफिन्याय जागोन आरो रज्ज्योनि दरफ्रोमबो जिल्लानि जिल्ला बेंगिरिखौ आफदागिरि महैर लानानै आफदा दाफुंनय जागोन। बे आफदादिनि सोद्रोमा सेक्रेटारिनि बिबानखौ जिल्ला आफदादिनि सिइआ रज्ज्योनि। जिल्लाफोरनिफ्राय रिपर्ट मोन्यायनि उनावनो बिथोनमा फोसावनाय जागोन। बे बिथोनमानि बिथायावनो बिसायख'थि आयगआ भटर फारिलाइ दिहुन्गोन। बे हाबाफारिआ फेगो 6 दाननि गेजेरावनो आबु जागोन होनानै पन्चायत मन्थ्र रन्जित कुमार दासआ मिथिहोदो।

बिसायख'थि आयगआ फोसावदिनाय समाव उन्दै ...

बिजाथिआ गथ'साखौ, गारियाव दैखानानै लानाय एबा रेलिआव जेबो रोखेमनि फोसावदिनाय हाबाफारियाव बाहायनो नाड होनानै आयगआ फोरमायदो। लोकोसे आयगआ खन्थाइ, मेथाइ एबा गुबुन जायखि जाया फोसावनाय, राजखान्थि दोलो एबा बिजाथिनि नेसोन दिन्थिफुंनयाबो गथ'साफोरखौ बाहायनायनिफ्राय होबथादो। अदेबानि राजखान्थि दोलोनि बिसायख'थिनि जेबो फोसावदिनाय हाबाफारिजो लोब्बा गैये राजखान्थि दैदेनिगिरिनि खाथियाव बिमा-बिफा एबा दिथागिरिजो गथ'सा थाफानाया बे बिथोनमाखौ सिमफ्रायनाय जाया होनानैबो आगआ बिथोनमायाव फोरमायदो।

जेलीयांरं हेरका गौथुमनि सनाथि माइथाय फोर्बो फालिथायआव राइज्यो बेंगिरिआ बाहागो लादो

समाज फोसाबनायनि बिथिडव मैखोमै बिफाव लाबोदो। बिथाडा बुंवावोदि, जौनि बेसेन गोसा समाजआरि आरो हारिमुवारि आसारखान्थिखौ जौगाहोनो आरो मुलुग दरबारआव गोसार होनो थाखाय खामानि मावनांगोन। जौनि धोरोम, हारिमु आरो दोरोडरि आसारखान्थि आरो नेमखान्थिखौ फोथानानै लाखिनो थाखाय खौसेये खामानि मावनांगोन। बेनि बेलायाव जौनि इयुन जोलैफोरा गोबां बिबान दड। जौनि धोरोम, हारिमु आरो दोरोडरि आसारखान्थिनि फार्से बांसिन सोलौंथाइ होनो नांगोन। हेरका धोरोम आरो बेनि हारिमुखौ रैखाथियै लाखिनायजो लोकोसे मुलुग दरबारआव गोसार होनारनि थाखाय जेलीयांरं हारिनि सुबुंफोरा खामानि मावनांगोन। धोरोमनि नेमखान्थि आरो दोरोडरि आसारखान्थिनि गेजेरजो गोग्गो समाज दानायाव लाइमोनफोरा थोजासे बिफाव दड। बेनिखायनो जौनि इयुन जोलै लाइमोनफोरा जौनि हादतनि बेसेन गोसा धोरोमारि, हारिमुवारि आरो दोरोडरि आसारखान्थिनि सायाव बांसिनै सोलौंथाइ आरो गियान बुथामनानै लानांगोन होनानै रज्ज्यो बेंगिरि काटरियाआ फोरमायो। हेरका धोरोमनि रैखाथि आरो जेलीयांरं हारिनि जौगानायनि थाखाय खामानि मावनायाव रानो गाइदीनिलु आरो जायफाव जादनांमोननि गावसोरखौ बाउसोमनाय बिहोमाया जेब्लायबो गोसोखांथाव होनानै फोमायबावो रज्ज्यो बेंगिरि काटरियाआ। दिनेनि बे हाबाफारियाव रज्ज्यो बेंगिरि काटरियाजो लोकोसे नट-काखार हिल्स अट'नमास काउन्सिलनि गाहाइ मावफुं सोद्रोमा देबलाल गारलसा, जेलीयांरं हेरका गौथुमनि आफदागिरि केहुम्बु जेलीयां, गाहाइ नेहाथारि मुंतुइ जेनेमेजो लोकोसे जेलीयांरं हारिनि गुबुन गुबुन आफदा गौथुमनि बिबानगिरिफोर आरो गोबां रज्ज्यो-राजाफोरबो बाहागो लादोमोन।

(1 बिलाइनिफ्राय)

कक्राझाराव बन्द' जामनानै थानाय माखासे सुपार पास्ट-एक्सप्रेस रेल गारिफोरखौ थाद'होनो...

हान्था-मेलानि बिथिडव मिरु सरकार एबा आसाम सरकारआ बिमा बाथुल बादि नोजोर होदो। जाय समाव रेल गारिनि मोजो सिबिथायनि गेजेरजो भारतवर्षनि गुबुन गुबुन रज्ज्योनि गुबुन गुबुन ओन्सोलखौ लाफानाय जादो होना मिरु सरकार आरो रेल बिफानआ दाबि खालामबोदो, बे समाव कक्राझार दावबायनायनि मुडव जेब्लायबो अलखदजो मोगा-मोगि जादो। मख'नो गोनांदि, थानाय गासै 8/9 बोसोर सिगां कक्राझाराव माखासे रेल सिबिथायनि थाखाय जायगानि रज्ज्यो-राजाफोरा सोमावसारनो गोनां जादोमोन। नाथाय करना बेराम सन्देनाय समाव माखासे रेलनि हान्था-मैलाखौ बन्द' खालामनायनि खाबुजो रेलफोरखौ फिन खारहोफिन्यायनि उनाव माखासे रेलफोरनि थाद'नायखौ बन्द' खालामनाय जादो। जायनि जाहोनाव कक्राझारनिफ्राय थानो गोनां आरो कक्राझारसिम फैनो गोनां रज्ज्यो-राजाफोरा जेना सोमजिदो। जर'खायै सरासनस्ता सुबुंफोरनि जिउ आरो जिउ खानायनि सार्थयाव जायगानि रेल सिबिथाया बन्द' जानानै थानायाव बिसोरनि थाखाय हान्था-मैलायाव मोनसे गेदेर जेना सोमजिदो। मानोना बास सिबिथाया बिसोरनि थाखाय जोबोद खरसा गोनां महैर सान्ना लाजादो। मख'नो गोनांदि, प्रमद बर' दैदेन्याय बिटिसि गौथुमयारिआ बिटिसिखौ गासै बिथिडव जौगाखांहोदो होना दाबि खालामबोदोब्लाबो माखासे बिथांखिफोरल' आरो फालांगिजो सरासनस्ता सुबुंफोरनि गेजेराव जौगाखांनो हाया होना गुबुन गुबुन थाखोयाव सावरायजादो। हान्था-मैला राहायाव बाडइ बेसेननि दावबायनाय महैर मिबथिजानाय रेल हान्था-मैलानि बिथिडव आथिखालसिमाव बिसोर जायखि-जाया गोनांथि होये खामानिखौ माखासे थाखोयाव गोरलैये आजावना लानो हायाखै। गियाननि फोर्बो, थुनलाइयारि फोर्बोजो लोकोसेनो फरायसाफोर, गुबुन गुबुन आफदा फसंथानयाव खामानि मावनाय माखासे बिबानगिरि-मावफारियाफोरजो लोकोसे सरासनस्ता रज्ज्यो-राजाफोरा हान्था-मैलानि फार्से गोनांथि होनो प्रमद बर'निसिम खवलायहरदो।

आन्जादयाव नखल खालामब्लानो जोबथेसालिनि..

दुथां गं, माफिया आरो गात्रि खामानियाव लोब्बा थानाय सुबुंफोरनि हेंथाये रहा आजावनायाव गोनांथि होजागोन। आइनआ सरकार बिबानगिरिफोरखौबो फिन्याय गैये महैर खालामनाय जागोनब्लाबो बिसोरो बेबायदि आफदाजो स्नोद लोब्बा गोनां एबा गोरोबलायो होना हमना लाजायो। थानाय माखासे बोसोरनिफ्राय रज्ज्योयारि आन्जादिनि सौंथि बिलाइ फोसावजानायनि जाहोनाव हादतनि माखासे रज्ज्योजो लोकोसे आसामयावबो आन्जाद बन्द' खालामनो गोनां जादोमोन। जायनि थाखाय लाख-लाख फरायसाफोरखौ गोहोम खोखैदोमोन। बे बिलनि थांखिया जाबाय रंखाथिथारि मुलाम्फानि थाखाय बायदि राहाजो लोब्बा थानाय गं आरो फसंथानफोरखौ होबथानाय। मोनसे सुलुंनि बादिदै बिलयाव साजा महैर जायफोरा गावआरि महाय सौंथि बिलाइ फोसावदो, जेराव बाडइयैबो 3-5 बोसोर जोबथेसालिनि साजानि थांखि लाजादो। थगायनाय दयाव लोब्बा थानाय सुबुंफोर, मावेबा आफदाआ खेसार सानायजो आन्जादिनि सौंथि बिलाइ सिगांगो फोसावयोब्ला 5-10 बोसोर नाडे जोबथेसालिनि साजा आरो जेब्ला आन्जाद खुंनय आफदाआ गोहैलो खालामदोब्ला गुबैये 1 कौटि रं जुरिमाना गथायनांगोन। थांखिलाइयाव आइनआ गुबैये दायनिगिरि आफदा माफिया आरो बिसोरजो स्नोद गोरोबलायनाय सरकार बिबानगिरिफोरखौ नोजोर लागोन। मिरुनि एन्टि पेपार लिम आइन बायदिदै इडिपिएससि, एसएससि, आरआरबिआ खुंनय आन्जादजो लोकोसे गुबुन गुबुन सरकार आफदादिनि आन्जाद आरो जेइइ, एनइइटि आरो सिइइटि बादि इन्ट्रेन्स आन्जादफोरा नायसंजानायनि सिडव फैनो हागो। बावैसोयाव रजस्थान सरकारआ रज्ज्योयाव सोमजिनाय लेखा बिलाइ फोसावजानाय जाथायखौ होबथानो 2023 माइथायनि जुलाइ दानाव रजस्थान रज्ज्योयारि आन्जाद (थिसनजानाय) नि माखासे रहा लानायखौ होबथानो (आइन, 2022) आव माखासे आयदाखौ सोदादो। इन्टि पेपार लिम आइनखौ बाहायनाय गुबुन रज्ज्योफोरनि गेजेराव उत्तर प्रदेश, हारियाणा, आसाम आरो अरुणाचल प्रदेशआबो दंफायो। बे आइननि माखासे आयदाखौ थिसन्याय आन्जादजो लोब्बा दंब्बाबो गुबुन माखासेया रज्ज्योयारि सोलौंथाय फसंथानफोरनि इन्ट्रेन्स आन्जादखौबो लानाय जादो।

इन्डियान आर्मिनि आग्निभिरआव थिसन्थायनि थाखाय बिटिआरनि लाइमोनफोरनो जर'खा...

फोरेंथाय होनाय जागोन। बे फोरेंथाइ बादानि गेजेरजो रैनिया बिफानआ बिटिआरनि लाइमोनफोरनो आग्निभिर रैनिया सांथि थिसन्थायनि थाखाय गोनांथि जानाय कौशल, बुद्धि आरो आदबफोरजो लोकोसे देहायारि आन्जाद आरो लिरथि आन्जादफोरनि सोमोन्दे फोरेंथाय होनाय जागोन। जायफोर लाइमोनफोर इन्डियान आर्मि सांथि महैर साखि मावनो गोसो बिथांमोनहा बे फोरेंथाय बादयाव बाहागो लाफैनानै गावनि रैनिया सांथि जानायनि थांखि आरो सिमांखौ जाफुंसार जाहोनो थाखाय फोरेंथाय लानो हागोन। बेनिखायनो फेगो 11 फेब्रुवारीनिफ्राय तितगुरि आर्मि केम्पआव बेसेननाडे फोरेंथाइ होनो लानाय बे बादयाव गोसो गुदु लाइमोनफोरखौ बाहागो लाफैनो थाखाय भारतीय रैनिया बिफाननिफ्राय हांखायहरदो। लोकोसे बिटिआरनि गाहाइ मावफुं सोद्रोमा प्रमद बर'आबो बे फोरेंथाइ बादयाव बाहागो लाफैनानै आग्निभिर सांथि जानायजो लोकोसे बिमा हादतखौ सिबिनायनि खाबुखौ लानो बिटिआरनि गोसो गुदु साफ्रोमबो लाइमोनफोरखौ खवलायहरदो।

करिश्मा कापुरनिफ्राय लानानै जीनत अमनसिम सा 6 स्टारफोरा बलिउडआव फैफिननायनि लामायाव

बोसोर 2024 माइथायनि जागायनायजों लो गोसे सावथुनफोरनि फोसावनाया जागायजेनबाय। जानुवारि दानाव गोबां गिदिर सावथुनफोरा रिलिज जादोंमोन। आधिखालाव सोलिफु बोसोराव गोबां सावथुनफोराबो रिलिजनि थाखाय थियारि जाबाय। बेफोरनि गेजेराव गोबां सावथुनफोराव, गोबां बलिउड स्टारफोराबो फैफिननो थाखाय थियारि। जायफोर फावखुंगुरफोरा गोबाव स म ि न फ ा य नो सावथुनफोरनिफ्राय गोजानाव दं, आधिखालाव सावथुनफोराव हाबनो थाखाय थियारि। फैफिननाय फावखुंगुरफोरनि फारिलाइआव गोबां मुंफोर दं। बे स्टारफोराव करिश्मा कापुरनिफ्राय जीनत अमन बायदि गिदिर गाहाय फावखुंगुरफोरनि मुंबो फैयो। बैसोगोरा फावखुंगुरि जीनत अमनआ आधिखालाव सशेल मिडियायाव जोबोद सांग्रां। फावखुंगुरिया थाबैनो सावथुनफोराव फैफिननो



थांगासिनो। जीनतआ 'बन टिक्की' जों बलिउडआव फिन आगान होजेनगोन। बे सावथुनाव शबाना आजमी आरो अभय देलआ गाहाय बिफावआव दं। नोंथाड 'मैं हुं ना' नि खाफाल गोनां थामहिनबा जैद खानखौ गोसोआव लाखिनांगोन। फावखुंगुरआ गोबां बोसोरनिफ्राय फैसालिनिफ्राय गोजानाव दं। बावैसो समाव बिथांखौ मोनसेबो सावथुनाव नुनो मोननाय जायाखै। आधिखालाव जैद खानआ सावथुनफोराव फैफिननो

थांगासिनो। बेखौ बुंनय जादोंदि, जैद खानआ 'दि फिल्म डेट नेभार वाज' जों फैफिनगोन। बे सावथुनखौ जिअ 'स्टुडिय'आ दिहुनदों। फरदीन खानआ 2024 मायथाइयाव भेनेजुएलानि सावथुन रक पेपार कैचीनि हिन्दी रीमेक 'स्पेक्ट्र' जों फैफिननो थियारि। फावखुंगुरआ बे सावथुननि थाखाय मोनसे देहायारि सोलायनायबो खालामदों। फावखुंगुरआ गोबाव समनिफ्रायनो सावथुनफोरनिफ्राय गोजानाव दंमोन आरो सिगां समफोराव जोबोद मोदोम जाबायमोन।

बिथाड गावनि लिरथाइखौ बाइड देहाजों फैफिनगासिनो दं। करिश्मा कापुरआ गोबां बोसोरनिफ्राय सावथुन फैसालिनिफ्राय जानगायाव थादोंमोन आरो बिबो फैफिननो थाखाय थियारि। फावखुंगुरिया 'मडार मुबारक' जों फैफिनगासिनो। करिश्माआ खेबसे गावनि फाव खालामनाय आरो समायनाखौ फोरमान खालामदोंमोन आरो बिथांनि सावथुनखौ अटिटीआव फैनाय सावथुनाव नुनो मोनगोन। बे सावथुनाव पंकज त्रिपाठी, सारा आली खान, सन्जय कापुर,

बिजय बर्मा, टिस्का चपड़ा, सहेल नय्यर आरो डिम्पल कपडियाबो गाहाय बिफावआव दं। इमरान खानआ 'जाने तु या जाने ना', 'कट्टी बट्टी', 'डेली बेली' बायदि सावथुनफोराव गावनि स्व'खौ दिन्थिखांनयनि उनाव फैसालिनिफ्राय जानगायाव थादोंमोन। बिबो गोबाव समनि थाखाय सशेल मिडियानिफ्राय गोमादोंमोन। सावथुन मुलुगानि फारसे उनफिननायनि जाहोनखौ दिवैसिम फोरमायनाय जायाखै। बावैसो फावखुंगुरआ समाजारि बिजोंआव फैफिनदोंमोन। बेजों लो गोसे, बिथाड फोसावदोंमोनदि, बिथाड थाबैनो सावथुनफोराव फैफिननो थाखाय थियारि। बिथाड गावनि फैनो गोनां सावथुननि मुंखो फोरमायाखै, नाथायबिथाडगावनि फैफिननायखौ रोखा खालामदों। फवखुंगुरसहिल खानखौ 'स्टाइल' आरो 'एक्सक्युज मी' बायदि सावथुनफोराव नुनो मोननाय जादोंमोन। मोनैबो सावथुनआव बिथांखौ शरमन जशीजों लो गोसे नुनो मोननाय जादों। बावैसो बेखौ मिथिनो मोनदोंमोनदि, दा सानैखौबो फिन खेबसेबाव जयै खामानि मावनाय नुनो मोनगोन। बेयो रोखादि, सहिलआ शरमन जशीजों नुजाथिगोन आरो बेयो सावथुनफोराव बिथांनि फैफिननाय जागोन।

ऋतिक रशन-दीपिका पादुकणआ फाइटर सावथुननि मोनसे नुथायनि थाखाय आयेनारि नटिस मोन्दों

ऋतिक रशन-दीपिका पादुकणनि जराया थियेटरफोराव 'फाइटर' नि रिलिजजों गोहोम खोख्लेंदों। सावथुनखौ नायनो थाखाय गोबां सुबुंफोर फैगासिनो दं। ऋतिक रशन आरो दीपिका पादुकण सानैबो एयार फर्सनि खसाबआव नुजादों। सानैनिबो खसाबखौ जोबोद मोजां नुदों नाथाय आधिखालाव बे इडनिफर्मनि थाखाय दावराव-दावसि सोमजिदों। फाइटर' बानायगिरिफोरजों लो गोसे ऋतिक रशन आरो दीपिका पादुकणआ आयेनारि नटिस मोन्दों। बे गासैबो दान्थे-बिदा-थेया मोनसे नुथायनि सायाव जागासिनो दं, जेराव सानैबो स्टारफोरखौ रोखोमसे खसाबआव रमाटिक खालामनाय नुनो मोनो। सासे रौनिया मावख 'गिरिया बे नुथायखौ लानानै रागा जोंदों आरो बिथाड हान्जानि जेनाफोरखौ बाहोदों। बे दान्थे-बिदान्थेनि जाहोनाव सावथुन



दिहुनगिरिफोरा आयेनारि बाहागोआव जेथो नांगोन। ऋतिक रशन आरो दीपिका पादुकणजों लो गोसे दिथागिरि सिद्धार्थ आनान्दखौ एयार फर्स मावख 'गिरिया आयेनारि नटिस हरदों। फाइटर सावथुनाव अजद होजानाय चुम्बन नुथायनि सोमोन्दै मोनसे नटिस दैथायहरनाय जादों। अखां सान्थि मावख 'गिरिया बुंदोंदि, चुम्बन नुथाया भारतारि अखां सान्थिनि मानखौ खहा खालामदों। बे नुथायखौ अखां सान्थिनि

रोखोमसे खसाबआव सेबखानाय जादों। बे जाहोननि थाखाय अखां सान्थि मावख 'गिरिया बांसिन अजद दं। उई कामान्दर सौम्या दीप दासआ अफिसर्स मेस, एयार फर्स स्टेशन तेजपुर, आसामाव थिसनजानाय। बिथाड बानायगिरिफोर आरो महरगिरिफोरनि बेरेखायै मोनसे आयेनारि नटिस दैथायहरदों। बेयो अखां दिडनि फोथारव हादरनि गिबि नाजानाय। बेयो गिबि सावथुन जेराव गोखों जासिनो दं।

एरियल एक्शन नुनो मोनगोन। मार्फिलक्स पिक्सार्सनि हेफाजाबाव वायकम 18 स्टुडियजों दिन्थिफुजानाय 'फाइटर'खौ सिद्धार्थ आनान्दआ दिथा होदों। बे सावथुनाव ऋतिक रशन, दीपिका पादुकण आरो अनिल कापुरआ गाहाइ बिफावआव दं। सिनेमा हलफोराव सावथुननि दिन्थिफुनायनि बादै रायज्यायब्ला सुबुंफोरा ऋतिक रशन आरो दीपिका पादुकणनि सावथुनखौ जोबोद मोजां मोनो। सावथुननि एक्शन, फाइट सीन आरो भिएफएक्सआबो जोबोद मोजां, जायखौ सुबुंफोरा जोबोद बाखायगासिनो दं। सावथुनाबो गोबां आरजिगासिनो दं। सावथुना बाम्पार खामायनायजों गोबां गोदान रेकडफोरबो बानायदों। बे सावथुना बे बोसोरनि गिबि ब्लकबास्टर सावथुन। फोसावनायनि नै सप्ताहनि उनावबो सावथुननि खामायनाया जोबोद मोजां जासिनो दं।

मनारा चप्राया सासे सुबुंखौ जुलि लाना लुबैयो



बिग बस-17 नि मुंदांखा मनारा चप्राया गावनि फैबाय थानाय मावथांखिफोरनि थाखाय आधिखालाव खौरांआव दं। मुनावर फारसिक आरो अनुयाग डभालजों बिथांनि लो गोआरि सोमोन्दे आरो अकिता लखन्डेजों बिथांजोनि गिथावना नांलायनाया फावखुंगुरिखौ सोराडव लाखिदोंमोन। प्रियंका आरो परिणीतिनि बिनानाव मनारा चप्राया सलमान खाननि स्व'आव गावनि फ्लार्टिस आरो कुल मौला स्टाइलजों सुबुंफोरनि गोसोखौ जै खालामनो हादोंमोन। फावखुंगुरि मनारा चप्राया गावनि इयुन

फिसायनि सोमोन्दै फोरमायदोंमोनदि, बियो मा रोखोमनि जिउ लो गोरि लुबैयो। बे समावनो बिथाड गावनि जुलिनि सान्थिनिफिरिजों बागैबो गोबां फोरमायदों। समाजारि बिजोंआव फावखुंगुरिया गावनि जुलिनि बागै सावरायगासिनो दं। मनारा चप्राया जेब्लाबो गावनि बिनानाव प्रियंका चप्रायाजों जरखा सोमोन्दोनि बादै गोबां रायज्यायो। बावैसो मनारा चप्राया मोनसे पदकास्टआव जुलि आरो गावनि जानो गोनां फिसायनि सोमोन्दै फोरमायदों। पदकास्ट आव मनाराया फोरमायदोंमोनदि, बियो मा

रोखोमनि सुबुंखौ जुलि खालामनो लुबैदों। बानजायगिरिया फावखुंगुरिखौ सोदोंदि, गावनि बिनानाव परिणीति चप्रा बायदि बिबो सासे राजखान्थिगिरिजों जुलि जानो लुबैयो नामा? बे समावनो मनारा चप्राया बे आयदानि सायाव जोबोद मेलेमगोनान्यै फिननाय होदोंमोन। फावखुंगुरि मनारा चप्रायाखौ सोनाय जादोंमोनदि, प्रियंका चप्रा आरो परिणीति चप्राया हाबा जाबाय आरो मीरा चप्रायाबो जुलि जानो थांगासिनो अब्ला नोंथानि जुलिनि थाखाय नोंथानि मा सान्थिनिफिरिजों दं? बियो गावनि बिनानाव परिणीति चप्रा बायदि सासे राजखान्थिगिरिखौ हाबा खालामनो लुबैयो नामा? मनारा चप्राया फोरमायदो, बियो मा रोखोमनि हौवाजों जुलि जानो लुबैयो। मनारा चप्राया लुबेदि, अ'इसोर, आं दासो बिग बसनि न'निफ्राय ओं'खार बोदों

दासिमबो जुलि जानायनि बाध्रा सानाखै नाथाय आं औरैबादि सुबुंजों जुलि जानो लुबैयो, जाय गासैबो रोखोमनि रायज्यायनो हायो, गासैबो रोखोमनि सुबुंफोरखौ लो गो हमनो मोजां मोनो आरो आंनि खोथाखौबो खोनासनों मोजां मोनो। आं नख'रनिफ्राय सासे हौवासा लायोब्ला आरोबाव साबसिन जागोन। बिथाड जायखिजया जिउ राहानिफ्राय जानो हागौ नाथाय सोमोन्देआव जानाय सैथोथिया जोबोद गोनांथार। मनारा चप्रा आरो अभिषेक कुमारआ बिग बस 17 नि टप 5 आव सौहैदोंमोन आरो स्व'नि बयनिखुइबो मुंदांखासिन बादायगिरिफोरमोन। बेखौ फोरमायनाय जादोंदि, अभिषेक आरो मनाराया मोनसे मावथांखिनि थाखाय जयै खामानि मावगासिनो दं। बिसेर सानैखौबो मोनसे मिउजिक भिडिअ'आव नुनो मोनगोन।

माहाम देहानि राहा

माखासे मैंगं-थाइगानि बोथोरा बास 'लांसिगोन! जुदि बेफोरखौ दानो जायाब्ला नोंथाड बोसोरनाइ' उनदाहा खालामनांगोन

सानफ्रोमबो गाजर जानायनि मुलाम्फा: बे मैंगंआव गासैबो रोखोमनि गुनफोर दं, जाय देहानि थाखाय जोबोद मुलाम्फा गोनां। गोजां बोथोरनि समाव जों बेखौ जानांगो, मानोना बेखौ बोसोरनि गासैबो समावनो जानो खाबु मोननाय नड। गाजरआव देहानि थाखाय मुलाम्फा गोनां गोबां रोखोमनि भिटागिन आरो एन्टि अक्सिडेन्ट थायो, जाय मेगन, लिभार, क्रिडनीजों लो गोसे देहानि गोबां अंगफोरखौ गोखोडै लाखिनायाव मदद होयो। बेनि अनगायैबो बे मैंगं-थाइगंखौ जानायनि गोबां मुलाम्फा दं। सानफ्रोमबो दरसे गाजर जानायनि मुलाम्फाखौ गाहायाव होनाय जाबाय-



1. मेगननि थाखाय: गाजरनिफ्राय नोंथाड मोननाय भिटागिन एआ आल्फा-केरटीन आरो बीटा-केरटीन मुनि मोननै केरटीनइडनिफ्राय फैयो। नाथाय गाजरनि बेफोर मोनसेल' निउट्रियेन्टफोर नड जाय नुथायनि थाखाय गोनांथार। गाजरआव मोननाय एन्टि-अक्सिडेन्ट ल्यूटिन आरो जेकसांथिनआबो मेगननि नुथायखौ बांहोयो। बे मोननै

मिथिंगायारि कम्पाउन्डफोरा रेटिना आरो लेन्सखौ रैखा खालामो। बेबादिनो सानफ्रोमबो दरसे गाजर जानाया मेगननि थाखाय मुलाम्फा गोनां। 2. सुगारखौ सामलायनायाव हेफाजाब होग्रा: गाजरआव गलायनो हानाय फाइबारा जाखानायनि उनाव ब्लाड सुगार आरो इन्सुलिननि थाखोखौ सामलायनायाव मदद खालामो। गोथां एबा एसे सनाय गाजरआवबो एसेल' ग्लाइसेमिक इन्डेक्स थायो जाय सुगारनि लेभेलखौ समानथायाव लाखिनायाव मदद होयो। बेनिखायनो डाइबेटिस दडब्ला एबा गैयाब्लाबो नोंथाड गाजरखौ जानांगो। 3. लिरथाय सामलायनाय: गाजरनि मोनसे जुनिया बाध्राया जादों बेयाव 88 जौखोन्दोसिम दै थायो। बेनि अनगायैबो बेयाव

मोनसे मोजां बिबानि फाइबर आरो र'गेज थायो जाय लिरथायखौ समानथि खालामनायाव मदद खालामो। 4. बिपिखौ समानथि खालामनायाव हेफाजाब होयो: जुदि नोंथाड ब्लाड प्रेसार (बिपि)खौ समानथियाव लाखिनो लुबैयो अब्ला नोंथाड सानफ्रोमबो दरसे गाजर जानांगो। गुबैयै, गाजरआव मोनसे मोजां बिबानि पेटेसियम थायो जाय बिपिखौ समानथि लाखिनायाव मोनसे गोहोम गोनां बिफाव लायो। बेयो सडियामनि थाखोखौ समानथि खालामो आरो नोंथानि ब्लाड प्रेसारखौ सामलायनायाव हेफाजाब होयो। बेनिखायनो बिखाखौ मोजाडै लाखिनो थाखाय नों सानफ्रोमबो दरसे गाजर जानांगो।

आमिर खानआ आगुनि बिसिजों सोमोन्दोनि सायाव रिएक्ट होदों

किरण रावआ 'लापता लेडीज' सावथुनजों दिथागिरि महरै फैफिननो थियारि जाबाय। बे सावथुना बिथांजोनि सिगांनि फिसाय सुपरस्टार आमिर खानजों लो गो-दिहुनजानाय। सानैबो जयै सावथुननि फोसावनायाव नांथाबना दं। सानैखौबो फाथैलाइ बिसिनायनि उनावबो सम हगारनाय आरो जयै खामानि मावनाय नुनो मोनो। बावैसो आमिर खानआ फाथैलाइ बिसिनायनि उनावबो किरण रावजों खामानि मावनायनि बाध्रा बुंदोंमोन। गावनि मोनदांथिखौ फोरमायनायै बिथाड औरैबायदि बुंदोंमोनदि, आधाखालाव बयनिबो गोसोआ बै आयदानि फारसे थांगासिनो दं। फावखुंगुरआ फाथैलाइ बिसिनायनि उनाव गोरोबलायनायनि बागैबो बुंदों। किरणजों मोनसे मोगा-मोगिनि समाव फावखुंगुरआ फाथैलाइ बिसिनायनि उनाव किरणजों



हेफाजाब होनायनि सायाव गावनि सानथीनि बागै फोरमायदों। बिथाड बुंदोंमोनदि, जेब्ला नोंथाड फाथैलाइ बिसियो अब्ला नोंथाड हरखाव सुथुर जायो नामा? आं जोबोद खाफाल गोनांदि, किरणआ आंनि जिउआव फैदों। आमिर खानआ आरोबाव बुंदोंमोनदि, जों गावारि आरो जिउ राहायारि महरै गोबां ज खालामबाय आरो जों जेब्लाबो जयै थायो। जों मोनसे नख'र बायदि। किरण रावआबो थानाय दानाव आमिर खाननि फिसाजो इरा खाननि जुलिआव बाहागो लादोंमोन। आमिर खान आरो किरण रावआ

सोमोन्दोआ फोथायनाय, मान होनाय आरो अननायजोंल जौगादों। आधिखालाव जों जौनि जिउआव मोनसे गोदान आयदा जागायनो लुबैयो नाथाय फिसाय आरो बिसि महरै नड, गावजों गाव लो गो-बिमा-बिफा आरो नख'र महरैसो। जों मोनसे सानथांखि खालामना जागायजेदोंमोन माखासे सम सिगां गावस्त्रादोंमोन आरो आधिखालाव बे लाहार-फाहारखौ नेमखांथि खालामनायाव गोजोन मोनो। आलादा थानायजों लो गोसे मोनसे बारायनाय नख'र बायदि गावसोरनि जिउखौ रानलायनाय। आमिर खान आरो किरण रावआ 'धोबी घाट, दिल्ली बेली, आरो दंगल बायदि सावथुनफोरावबो जयै खामानि मावदों। बिथांनि फैनो गोनां सावथुन 'मिसिंग लेडीज'आ 1 मार्चआव सिनेमाहलफोराव फैगोन।

राज ठाकरेनि पार्टीआ पाकिस्ताननि रोजाबगिरि आतिफ असलमनि बलिउडआव फैफिननायखौ हमरि होदों

पाकिस्ताननि रोजाबगिरि आतिफ असलमआ 7 बोसोरनि उनाव बलिउडआव फैफिननो थियारि जाबाय। बे समावनो आतिफ असलमनि फैफिननायनि खौरांखौ खोनानानै राज ठाकरेनि मोनसे पार्टीआ रागा जोंखादों। पार्टीनि एमएनएस सावथुन गांख(उई) नि आफादगिरि अमेय खपकरआ सावथुन दिहुनगिरिफोरखौ सांग्रां खालामना मोनसे बिबुंथि फोसावदों। मुंदांखा रोजाबगिरि आतिफ असलमनि फैफिननायखौ लानानै गोबां दावराव-दावसि जानायखौ नुनो मोनो। बेनि सिगाडव टी-सीरीजोन मोनसे नटिस दैथायहरनाय जादोंमोन, जेराव बिथांमोनखौ इडटुव चेनेलनिफ्राय पाकिस्ताननि रोजाबगिरि आतिफ असलमनि मेथाइफोरखौ बोखारनो थिननाय जादों। बेजों लो गोसे राज ठाकरेनि पार्टी मनसेनि सिनेमा गांखनि आफादगिरि अमेय खपकरनि सांग्रांथिया मोनसे सोमावसारनाय सोमजिहोदों। राज ठाकरेनि पार्टी मनसेआ फिन खेबसेबाव बलिउड इन्डस्ट्रीआव रागा जोंखादों। एमएनएस पार्टीनि सावथुन गांखनि आफादगिरि अमेय खपकरआ मोनसे बिबुंथि फोसावनायै सांग्रांथि होदोंदि, बलिउडजों लो गोसे जायगायारि रावनि सावथुन दिहुनगिरिफोरा पाकिस्ताननि महरिगिरिफोरखौ मदद खालामनाड। अमेय खपकरआबो गावनि सशेल मिडियायाव बे आयदानि सोमोन्दै आपडेटफोर फोसावदों। माखासे बलिउड दिहुनगिरिफोरा सिगांनिफ्रायनो पाकिस्ताननि रोजाबगिरि आतिफ असलमखौ गावसोरनि फैबाय थानाय मावथांखिफोरखौ जासिखाबाय। आरजित सिंहखौबो आतिफ असलमखौ हेफाजाब होनाय नुनो मोनो



नाथाय अमेय खपकरआ बे बाध्राखौ इसेबो मोजां मोना। बेफोर गासैबोनि गेजेरावोनो राज ठाकरेनि पार्टीआ मोनसे बिबुंथि फोसावनायै सांग्रांथि होदोंदि, जायफोरा बिजिरसालिनि थिरांथानि सायाव बिथा खालामनायै थियारि जागासिनो दं बिथांमोनहा गावसोरनि जायगाखौ दिन्थिनांगोन। बेयो दुखुनांथावदि, जों गावसौनो फिन खेबसे बुंफिननो गोनां जादों, थेवब्लाबो बेखौ आरोबाव रोखा खालामनो हो। पाकिस्ताननि रोजाबगिरिफोरखौ बेवहाय सहायनाय जानाय नड। आतिफ असलमनि मेथाइफोरा भारताव जोबोद मुंदांखा। पाकिस्ताननि रोजाबगिरिया 'बस एक पाल', 'रेस', 'रेस 2' आरो 'बदलापुर' जों लो गोसे गोबां बलिउड सावथुननि मेथाइफोराव गावनि गारां होदोंमोन। आतिफनि अनगायैबो उदित नारायण आरो अमित मिश्राबो सावथुन 'एलएसअ 90 आव रोजाबनो थांगासिनो।

नाथाय अमेय खपकरआ बे बाध्राखौ इसेबो मोजां मोना। बेफोर गासैबोनि गेजेरावोनो राज ठाकरेनि पार्टीआ मोनसे बिबुंथि फोसावनायै सांग्रांथि होदोंदि, जायफोरा बिजिरसालिनि थिरांथानि सायाव बिथा खालामनायै थियारि जागासिनो दं बिथांमोनहा गावसोरनि जायगाखौ दिन्थिनांगोन। बेयो दुखुनांथावदि, जों गावसौनो फिन खेबसे बुंफिननो गोनां जादों, थेवब्लाबो बेखौ आरोबाव रोखा खालामनो हो। पाकिस्ताननि रोजाबगिरिफोरखौ बेवहाय सहायनाय जानाय नड। आतिफ असलमनि मेथाइफोरा भारताव जोबोद मुंदांखा। पाकिस्ताननि रोजाबगिरिया 'बस एक पाल', 'रेस', 'रेस 2' आरो 'बदलापुर' जों लो गोसे गोबां बलिउड सावथुननि मेथाइफोराव गावनि गारां होदोंमोन। आतिफनि अनगायैबो उदित नारायण आरो अमित मिश्राबो सावथुन 'एलएसअ 90 आव रोजाबनो थांगासिनो।

दावहानि गेजेराव इउएनआ गावनि सान्थि गाहाइखौ बिबाननिफ्राय बोखारनायनि लामायाव

क्विवभ, 6 फेब्रुवारी: रसियाजों सोलिबाय थानाय दावहानि गेजेराव इउएनआ सान्थिनि गाहाइ भेलेरी जालुज्यीखौ सास्पेन खलामनो हागौ। अदेबानि बेयो रोखा नडादि, जालुज्यीनि जायगायाव सोर बिबानखौ सामलायगोन। इउके ननि मिडिया आरो सोनाबारि मिडिया रिपर्टफोरनि बायदिब्ला, इउकेननि हादतगिरि भलदिमिर जेलेन्सकीआ थानाय सप्ताहयाव इउकेननि कामान्दार इन चीफ जेनेरेल भेलेरी जालुज्यीखौ बिबान एंगारनो बुंदोंमोन। नाथाय जालुज्यीआ बिबान एंगारनो नेवसिदों। बियो बे रिपर्टफोरनि सायाव जेबो बिबुंधि होयाखै। इउकेननि हादतगिरि भलदिमिर जेलेन्सकीआ



गनायथिदोंदि, बिथाडा हादतनि जौसिन सान्थि बिबानगिरिखौ बिबाननिफ्राय बोखारनायनि सायाव सानखानाय जादों। जेलेन्सकीनि बे फिन्याया इउके ननि सुबुंफोरखौ सोमोनांहोदों आरो दावहायाव इउकेननो मदत खलामबाय थानाय सोनाबारि हादतफोरनि जिंगायावो बे थांखिजों बांसिदों। क्विवभनि मेयर

भिथाली क्लिटस्कआ इउकेननि सान्थि गाहाइखौ बिबाननिफ्राय बोखारनायनि नागिरनायखौ अजद दैखंदों। इताबली ब्रडकास्टर आइएआइ टिभिआव होनाय मोगा-मोगियाव जेलेन्सकीआ इउकेननि कामान्दार-इन-चीफ जेनेरेल भेलेरी जालुज्यीखौ बिबाननिफ्राय बोखारनायनि सायाव सान्नाय जादों। हादतनि सान्थिखौ दैदेन्याय बिबानआ

ओरैबायदि सुबुंनि आखायाव थानायखौ हास्थायो, जाय रसियानि हेंथायै देरहानायनि फारसे गोसो गोथौ जानांगोन। जेलेन्सकीआ बुंदों, गावसोर दावहाखौ लानानै गावनि सोलोखासिखौ नायसंगासिनो। मोनसे गोदान जागायनायनि गोनांथि दड। बे नायसंनाया सोरबा जरखा जागायनायनि गोनांथि दड। बे नायसंनाया सोरबा जरखा सुबुंखौ लानानै नडा, गोखों दैदेनगिरि सोलायनायखौ लानानैसो, जों देरहानो हास्थायो, बेबायदियाव जों बयबो देरहासादिन फारसे गोखों जानानै मोनसे दिगआवनो आक्गायलानांगोन। जों गेजेन जानानै हाथियार नागारनो हाया।

गंगायाव डल्पिननि अन्जिमाया बांगासिनो दड

गोदान दिल्ली, 5 फेब्रुवारी: गंगायाव डल्पिनफोरनि अन्जिमाया बांगासिनो दडआरो आबहावा गुबुंले जानायनि थाखोआ गोखैयै खम जालांगासिनो दड। बे बाथाखौ मिरु सरकारआ नमामि गंगे अभियानखौ नायबिजिरनायनि उनाव दाबि दैखंदों। जलशक्ति बिफानआ बावैसो समाव रइज्योफोरनि बिबानगिरिफोरजों लोगोसे जथुम्मायाव खौरां होयोदि, गंगाखौ साखोन-सिखोन खालामनो थाखाय सोलिनाय अभियाननि गाहाम फिथाइआ नुजाथिनो हमबाय। आधिखालाव गंगा डल्पिननि अन्जिमाया बांनानै 4 रोजानिखुइ बांसिन जाबाय। मिरु सरकारआ बेजों लोगोसेनो आबहावा गुबुंलेखौ नोजोर लाखिनो थाखाय खालामनाय प्लेटफर्म



बाहायनायनि जाफुंसारनायखौ दाबि दैखानानै बुजेदि, बिसोर रियल टाइम मनिटरनि गोहोम गोनां सिस्टेमखौ खालामबाय। मिरु सरकारआ गावनि प्रेजेन्टेसनआव फोरमायबावदों, गंगांनि आबहावा गुबुंले जानायखौ सान्ने थाखाय जाय थाखोखौ थि खालामदों, बेनि

बादिब्ला, आधिखालाव उत्तराखण्ड, उत्तर प्रदेश, बिहार आरो सोनाब बंगनि मोनसेबो बाहागोआ गोत्राबसिन आबहावा गुबुंलेनि गिबि 4 थाखोआव गैलिया। बेनि ओंथिया बेनोदि, बे राइज्योफोराव गंगांनि आबहावा गुबुंलेआ 5 थि थाखोनि, जाय बयनिखुइ खम

आरो सिमनानि गेजेराव दड। बे सोरनि गेजेरावबो उत्तराखण्डआव हरिद्वारनिफ्राय सुल्तानपुरनि स्ट्रेसआ आधिखालाव साखोन-सिखोननि थाखोआव दड। माखासे जायगाफोरा दासिमबो सिमना गोनां थासारिनिफ्राय एसे गोजौआव दड।

ब्रिटेइननि थामथि राजा चार्ल्सआ केन्सारजों भुगिनांगासिनो दड



लन्दन, 6 फेब्रुवारी: ब्रिटेइननि थामथि राजा चार्ल्सआ केन्सार बेरामजों भुगिनांगासिनो, दड। बकिंघम पेलेसआ समबाखालि मोनसे बिबुंधियाव बुडोदि, राजाया गावनि गासै रइज्योयारि हाबाफारिफोरखौ फासयो। मानोना नायबिजिरनायाव तेन्सारखौ मिथिनो मोन्नाय जादों। राजमहलआ राजानि केन्सारनि सोमोन्दै जेबो खेंफोरथि होयाखै। 75 बोसोर बेसोनि देहा चार्ल्ससखौ थांनाय दानाव प्रस्टेट फाहामथाइनि थाखाय देहा फाहामसालियाव थिसदोंमोन। राजानि प्रस्टेटआ बांदोंमोन। आधिखालाव राजमहलजों लोब्बा गोनां

सुलुंफोरा राजानाव केन्सार जायाखै होना बुंदों। बकिंघम पेलेसआ खौरां होदोंदि, थामथि राजा चार्ल्सआ गावनि फाहामथायनि सोमोन्दै आबुडै पजिटिभ, बियो थाबैनो गावनि बिबानफोरखौ मावनो थाखाय पब्लिक लाइफआव फेफिननो थाखाय गोसो गुदुं जादों। आधिखालाव बिथाडा राइज्योयारि हाबाफारिखौ दोन्थ'गोन। बेनि गेजेरजों राजा नख'रनि गुबुन सोद्रोमाफोरा फाहामथाइ लाबाय थानाय समाव बिनि गोसोनि बोलो बांहोनायाव मदत खलामगोन होना मिज्जिथिदों। माखासे सान सिगां ब्रिटेइननि पिएम ऋषि

सुनकआ किं चार्ल्सखौ थाबैनो गाहाम जाफिननायनि आरज गाबदों। बेरफारसे लेबार पार्तिनि दैदेनगिरि किरि स्टामरिआबो राजाया थाबैनो गाहाम सावसियाव फेफिनथों होना आरज गाबदों। खौरां एजेन्सि एएफपिनि बायदिब्ला, राजानि केन्सार बेरामजों भुगिनांगानि खौरां फेनाय उनाव प्रिन्स हेरीआ ब्रिटेइनयाव फेफिननो बिथांखि लादों। प्रिन्स हेरीआ गावनि बिबि, आमेरिकानि फावरखुंफि मेघन मार्केलजों लोगोसे आमेरिकायाव दड। थामथि राजा चार्ल्सनि सावसिनि सायाव आमेरिकानि हादतगिरि ज' बाइडेनआ जिंगा सिनाय फोरमायदों। बिथां किं चार्ल्स थामथिआ थांनाय 2022 नि सेप्टेम्बराव गावनि बिमा महारानी एलिजाबेथ थैनायनि उनाव सम्राट जायो। बिनो थांनाय 2023 नि 6 मेयाव मुकुट गानहोदोंमोन। राजा जानायनि 18 दान उनाव बियो केन्सारजों इन्वेक्सन जायो।

जम्मू-काश्मीरआव बरफ गोलेनायनि गेजेरजों बरफ गिसिखानायनि एलार्ट

गोदान दिल्ली, 6 जानुवारी: जम्मू-काश्मीरआव थांनाय सप्ताहनिफ्राय लासिथयै बरफ गोलेनायनि दड। बेनि गेजेरजों बोथोर बिफानआ माखासे जिल्लाफोराव बरफ गिसिखानायनि एलार्ट फोसावदों। डडा, किस्तवाड, पुन्ध, रामबन, गान्दरबल, बान्दीपुर, बारा-मुला आरो कुपवाडयाव बरफ गिसिखानो हागौ। राइज्योनि डिजास्टर मेनेडमेन्ट अथरिटीआ थांनाय समबार (5 फेब्रुवारी) खालि दावबायारिफोरखौ फेगौं 24 घन्टानि समाव बे ओन्सोलफोराव थांनायनिफ्राय जानगाराव थानो बोसोन होदों। बरफ गोलेनायजों जम्मू-काश्मीरनि माखासे ओन्सोलफोराव बिदुख लासिथयै दावखलायगासिनो दड। गुलमर्गयाव थांनाय 5 फेब्रुवारीयव मिनिमाम बिदुखौ माइनास 10 डिग्री सेल्सियास दिखानो मोन्नाय जादों। थांनाय 4 फेब्रुवारीयाव बेयाव बिदुख



माइनास 7 डिग्रीमोन। पहलगामयाव थांनाय हराव मिनिमाम बिदुख माइनास 11.9 डिग्री सेल्सियास थायो। फारसेथि इउपिनि मोन 72 जिल्लाफोराव थांनाय समबारखालि अखा हायो।

मंगलबारावबो माखासे जिल्लाफोराव जोमै साग्लोबदों। लक्ष्नीआव जोमैजों लोगोसे रोजा खुवाया साग्लोबदों। अखा हानायनि उनाव गुसु बारा जेनाखौ बांहोदों। बोथोर बिफानआ राइज्योयाव दिनें घन्टयाव 30-

40 किल'मिटर गौखैथिजों बार बारनो हागौ। बिहारावबो थांनाय सान्नेनिफ्राय फोसावनाय सरासनखा अखानि गोहोमा जोबनो हमबाय। आधिखालाव बार बारनाय उनाव गुसु बारजों आरोबाव खेबसे बांहोदों।

पाटनाजों लोगोसे गासै राइज्योआव फेगौं सान 3-4 सिमाव गुसु बार बारगोन। बे समाव मिनिमाम बिदुख 2-4 डिग्री सेल्सियास दावखलायनायखौ नुनो मोन्नो हागौ। बिफानआ फोरमायदोंदि, सा भारतयाव वेस्टार्न डिस्टारबेन्सनि गोहोमा आबुडै जोबना थांबाय। बेजों पान्जाब-हारियाणायावबो बोथोरा सोलायदों। मंगलबारखालि दरनै राइज्योफोरनि बांसिन जिल्लाफोराव साग्लुं दुडो। आधिखालाव माखासे ओन्सोलफोराव गुसु बार बारगासिनो दड। दरनै राइज्योफोराव फेगौं सानबायाव बोथोरा सां जागोन।

लता मांगेशकारआ गावनि गासै जिउआव हारसिडैनो थानायनि माखासे जाहोनफोर दंमोन

स्वर साम्राज्ञी, बुलबुले हिंद आरो ककिला बायदि मुंफोरजों मिथिजानाय लता मांगेशकारखौ रावबो बावाखै। मानोना लता मांगेशकारआ भारतयारि सावथुन मुलुगखौ गेजेर हायुंआरि जौथायसिम लांदोंमोन। लता मांगेशकारआ जानो हागौ बे बुहुमाव गैलिया, नाथाय बिथानि गोदे गाराड जेब्लाबो गोमोरनो रोडे जानानै थागोन। इयुन जोलेफोराबो लता मांगेशकारनि मेथाइफोरखौ खोनासबाय थागोन। दिनें दुलायय हादरआ लता मांगेशकारखौ बिथानि थैनाय सानाव आरो बे फालिथायाव गोसोखांगासिनो दं। बयबो मिथिगौदि, लता मांगेशकारआ हाबा जायाखैमोन। दा मोनसे गनायथाव सॉलु दंदि, बियो मानो हाबा जायाखैमोन। ओरैबायदि बुंनाय जायोदि, बिथाडा सोरखौबा मोजां मोनोमोन, नाथाय बिसोरनि मोजां मोनलायनायनि सल'आ माब्लाबाबो आबुं जानो हायाखैमोन। लता मांगेशकारआ दुंगरपुरराजफोलेरनि महाराजा राज सिंहखौ मोजां मोनोमोन। महाराजानि फंबाय हदयनाथआ



मांगेशकारनि लोगोमोन। राजाया गावनि बिमा-बिफाखौ समायखिरा लादोंमोनदि, बिथाडा बबेबा सरासनखा नख'रनि हिन्जावसाखौ हाबा खालामनाय नडा। बे जाहोनि थाखाय बिथाडा लता मांगेशकारनिफ्राय गोजानाव थादोंमोन आरो जुलि जायाखैमोन। लता मांगेशकारआ जेब्लाबो बुंभोदोंमोनदि, बिथानि हाबा जायनि जाहोना बिथानि बिबान। लता बादिनो राजआबो माब्लाबाबो जुलि जायाखैमोन। ओरैबायदि बुंनाय जायोदि, राजआ लता मांगेशकारखौ अन्नानै मिथु बुडेमोन। बिथाडा बिसोरनि मेथाइफोरखौ खोनासंबो मोजां मोनो। राजआ लता मांगेशकार बायदि सासे क्रिकेट मोजां मोनगिरिमोन। लतानिफ्राय 6

मेथाइ लुका छुपी रोजाबदों। बे मेथाइया बिमा फिसाज्जानि सोमोन्दोखौ मोनसे गोदान ओंथि बेखेवथि होदों। दिनेंसिमबो सुबुंफोरा बे मेथाइनि गेजेरजों गावसोरनि मोन्दांथिफोरखौ फोरमायो। लता मांगेशकारनि जोबथा मेथाइया इ 2006 माइथायाव फोसाव जादोंमोन। बेनि अनगायैबो लता मांगेशकारआ वीर-जारा एल्बमनि थाखाय गोबां मेथाइ रोजाबो। बेयाव तेरे लिए हम हैं जिए, ऐसा देस है मेरा, हम तो भाई जैसे हैं, दो पल रुका खवावों का करवां बायदि गिदिर मेथाइफोरखौ रोजाबलांदों। थांनाय 2022 मायथाइनि 6 फेब्रुवारि अकटआ मुलुगनि दंखो मोजां मोनगाफोरनि थाखाय मोनसे गोसोम सान फोरमान जादों। बे सानाव लता मांगेशकारआ बे मुलुगनिफ्राय 93 बोसोर बैसोआव गावनि जोबथा हां बोदोंमोन। बे मुलुगखौ बिदाइ होनायनि सिगां, बिथाडा सान्थ'नो हायै हिट आरो क्लासिक मेथाइफोर होदोंमोन।

आमेरिकानि केलिफर्नियाआव गिखंथाव बारहुंखाजों गोबां सिलिखार जादों



केलिफर्निया, 6 फेब्रुवारी: केलिफर्नियाआव बोथोर सोलायनो हमदों। लैथोमायारि बारहुंखाजों लोगोसे अखा हानायनि जाहोनाव राइज्योयाव गोबां ख'हा जायो। 1 सप्ताहनिफ्रायबो खम समाव सोनाबारि बोरिखौ गावनि बंखनाव लानाय खोला

'पाइन्पोल एक्सप्रेस' बारहुंखाया थांनाय समबाखालि खोला केलिफर्नियाआव सौहैयो। बे बारहुंखानि जाहोनाव गासै ओन्सोलाव थाद'नाय गैये अखा हायो, जायजों दै बाना फेनानै हा गिसिखानाय बायदि जाथाइ जायो। माखासे सान सिगां खोला केलिफर्नियाआव

बारमन्डल दैमानि जाहोनाव थाद'नाय गैये अखा हायो। बे अखा हानायनि जाहोनाव दै बाना बायदि थासारि सोमजिदों आरो बेनि उनाव आधिखालाव 'पाइन्पोल एक्सप्रेस' बारहुंखाया राइज्योयाव जोबसंनाय सोमजिदों। थांनाय समबाखालि केलिफर्निया आरो गोखों बार बारनायनि जाहोनाव सुबुंफोरा गोबां जेनाफोरजों मोगा-मोगि जानांदों। बे ओन्सोलाव गासै 3 कौटिनखुइ बांसिन सुबुंफोर थायो। बे ओन्सोलाव दै बाना गोखों बार आरो गुसु बोथोरनि बारहुंखानि थासारिखौ नुनानै सुबुंफोरनो एलार्टनि मेसेज होदों।

बिबानगिरिफोर थागिबिफोरखौ बाइजोआव थांनो आरो ड्राइभिंखौ जेसेबां हायो एसेबां सिमना गोनां खालामनो खा'व ला'य दों'मोन। एनडब्लिउएसनि बायदिब्ला, रबिबारनिफ्राय गासै सल एन्जिल्सयाव 10 इन्स (25.4 से: मि:) निखुइ बांसिन अखा हादों। बे ओन्सोला हादतनि नैथि बयनिखुइ देरसिन सहर। बे ओन्सोलाव गासै सप्ताहसे अखा हानाया सोलिबाय थानो हागौ। एनडब्लिउएसनि गेजेरजों परस्ट खालामनाय मोनसे अनलाइन नटिसनि बायदिब्ला, मख'जाथाव दै बानाया थागोन आरो बालांनो हागौ।

बइं 737 उरां जाहाजयाव जेना सोमजिनायजों गं 50 उरां जाहाजफोरनि डिलिभारियाव गोबाव जागोन

वाशिंटन, 6 फेब्रुवारी: आमेरिकानि उरां जाहाज बानायग्रा कम्पनी बइंआ थांनाय रबिबारखालि खौरां होयोदि, बइं 737 नि बाडियाव माखासे तेकनिकनि जेनाफोरखौ मिथिनो मोन्नाय जादों। आधिखालाव कम्पनीआ बुडोदि, जेनानि जाहोनाव एयारक्राफ्टखौ बिरनाय समाव जेबो गिनांगौ गैया। बेनिखायनो जाय उरां जाहाज कम्पनीफोरनियाव बे एयारक्राफ्टआ दड बिसोर गावसोरनि उरां जाहाजखौ सालायबाय थानो हागोन। बेनि गेजेरजों आधिखालाव



गासै गं 50 उरां जाहाजफोरनि डिलिभारियाव गोबाव जानो हागौ होना कम्पनीआ बुंदों। कम्पनीआ बेनि सोमोन्दै बुं'बावदों, गावसोरनि बाहायग्राफोरनो साबसिन

सिबिथाय होनो थाखाय उरां जाहाजखौ एसे साबसां होनांगोन। बइं कम्पनीनि शेयार, जाय बे बोसोरनि सिगां 20 जौखोन्दोनि गाहायावमोन। थांनाय

समबारखालि बेयो 3 जौखोन्दो दावखलायबावयो। बइं जेटयाव सोमजिनाय जेनाफोरा माखासे बयनिखुइ बांसिन बाहायग्राफोरजों लोगोसे गावसंनाय सोमजिहोदों। इउनाइटेड एयारलाइन्सनि सिइअ स्कट किर्बिआ थांनाय दानाव बुंदोंमोनदि, इयुनाव बे उरां जाहाजफोरनि सायाव सावरायगोन। बेरा फारसे अलास्का-एयारलाइन्सनि सिइअ बेन मिनिकुचीआ एनबिसि नाइटली निउजोनो आं जोबोद जिंगायाव गोलेदों होना बुंदों।

अस्ट्रेलियानि टीमआ वन्डेआव जारिमिन सोरजिदों

केनबेरा, 6 फेब्रुवारि: अस्ट्रेलिया आरो वेस्ट इन्डिजनि गेजेराव गेलेनाय थामथि वन्डे मेचआव गोखों सेलेन्जखो नुनो मोन्दों। वेस्ट इन्डिजनि हान्जाया खेबनै टेस्ट, खेबथाम वन्डे आरो खेबथाम टी-20 मेचनि थाखाय अस्ट्रेलियासिम दावबायनाय अभियानआव दँहैयो। खेबनै टेस्टनि सिरिजआ 1-1 स्करआव समान जादोंमोन। नाथाय बे सिरिजआव मोनसे गिदिर जेन्नांनय आरो देरहानायनि फारागखौ नुनो मोन्दों। बे सिरिजनि थामथि आरो जोबथा मेचआ केनबेराआव जादोंमोन। जायनि फारिआव अस्ट्रेलियाआ जारिमिनारि देरहानाय थिसन्दों। केनबेरा वन्डे मेचआव इन्डिजनि हान्जाया सिगां बेटिं



खालामदों मोन। नाथाय हान्जानिफ्राय 100 रन स्करसिम सौहैनायाव नो जेनायाव गोखौदों। मानोना बे टीमआ 25 थि अभावरआव गासै 86 रनल' लादों। जेभियार बाटलेटआ बे समाव अस्ट्रेलियानि गोखोंसिन बलारनि फोरमानआव फैदों। मानोना बिथाड बे मेचआव 4 उडकेट लानो हादों। बिथानि

अनगायै एडम जम्मा आरो लान्म मरिसआ 2-2 उडकेट लानो हादों। बेनि उनाव अस्ट्रेलियानि हान्जाया 2 उडकेट खोमानानै नो 87 रननि थान्खिसिम सौहैदों। बे समाव अस्ट्रेलियानि बेटसमेनफोर 6.5 अभावरआव नो टार्गेट रनआव सौहैदों। बे देरहानाया बलखौ बांसिनै रैखाथि होनो हानायजों वन्डेनि

जारिमिनआव अस्ट्रेलिया हान्जानि देरसिन देरहानाय थिसनजादों। बे समाव अस्ट्रेलियानि टीमआ 259 बल रैखाथि होनो हानायजों मेचखौ देरहादों। बेनि सिगां 2004 नि सेप्टेम्बर दानआव 253 बल रैखाथि होनायजों अस्ट्रेलियाआ आमेरिकाखौ फेजेन्दोंमोन। बे समाव अस्ट्रेलियाआ 7.5 अभावरआव 66 रननि टार्गेटआव बेटिं खालामदोंमोन। इलेण्डआ वन्डेनि जारिमिनआव बल रैखाथि होनायजों बयनिखुइ देरसिन देरहानाय रेकर्डआव गिबिसिनआव जायगा मोनो। 1979 आव इलेण्डनि हान्जाया कानाडाखौ 277 बल रैखाथि होनायजों फेजेन्दोंमोन। बे समाव इलेण्डनि गेलेगिरिफोरा 13.5 अभावरआव 46 रननि टार्गेटआव सौहैदों। नाथाय बे वन्डे मेचआ 60 अभावरनिमोन। बे समाव अस्ट्रेलियानि देरहानाया वन्डेनि जारिमिनआव बांसिनै बल रैखाथि होनाय फारिआव 7 थि मासिआव जायगा मोनो।

लन्डन, 6 फेब्रुवारि: निउजिलेण्ड आरो खोला आफ्रिकानि गेजेराव खेबनै मेचनि टेस्ट सिरिजआ जागायबाय। जायनि गिबि मेचआ माउन्ट मनुगानाइआव खुंजादों। बे समाव निउजिलेण्डनि केप्टेन केन उइलियामसनआ गोखोडै दिन्थिफुंदों। बादायलायनाय मेचनि गिबि इन्सिन उनाव बिथाड नैथि इन्सिआव 100 रन लादोंमोन। बे रान लानायजोंनो बिथाड भिराट कहलीनि उनाव मोनसे जर'खा फारिलाइआव जो रूथखौ उनाव लाखिदों। उइलियामसनआ माउन्ट मनुगानाइ टेस्ट मेचनि गिबि इन्सिआव सेन्सुरि लानाय बादिनो नैथि इन्सिआवबो सेन्सुरि लाफिन्नो हादों। बे इन्सिआव बिथाड 100 रननि सिमनासिम सौहैनो थाखाय 125 बलआव गावखौ सामलायनानै लाखिदों। जायनि गेजेराव बिथाड खेब 12 ब्रै रान लादों। बे समावबो बिथाड गासै 132 गलआव 109 रन लानानै



टेस्टआव बयनिखुइबो बांसिन 100 रन लानायनि बिथिडव जो रूथखौ उनाव लाखिदों। रूथआ दासिमाव टेस्टआव गासै खेब 30 सेन्सुरि रान लाखांबाय। बेनि सिगाडाव भिराट कहलीखौ बिथाड फारिलाइआव उनाव लाखियो। भिराटनि मुडाव टेस्टआव गासै खेब 29 सेन्सुरि थिसनजानानै दड। रूथनि सिगां खेब 97 मेचआव खेब 31 सेन्सुरिजों उइलियामसनआ नैथि नम्बरआव आरो स्विभस्मीथआ खेब 107 मेचआव खेब 32 सेन्सुरिजों गिबि नम्बरआव

जायगा मोनो। मेचनि बाथ्रा बुडेव्ला, उइलियामसनआ गिबि इन्सिआव गोखोडै दिन्थिफुंदोंमोन। बिथाड गासै 289 बलआव 118 रन लादों। जाय समाव बिथानि बेटनिफ्राय खेब 16 ब्रै रान फैदों। बेजों लो गोसे मेचनि बाथ्रा रायज्जालायनाय निउजिलेण्डआ

सिगां बेटिं खालामनानै गिबि इन्सिआव 511 रन लादोंमोन। बेनिनो फिन्नायाव खोला आफ्रिकानि गिबि इन्सिआव 162 सौहैदों। नैथि इन्सिआव उइलियामसननि सेन्सुरि रान लानायनि थाखाय निउजिलेण्डआ खोला आफ्रिकानि सायाव 500 रननि बांसिन रान लादोंमोन।

गुजराट जइन्टसआ टीमआव गिदिर सोलायनाय लाबोदों



गोदान दिल्ली, 6 फेब्रुवारि: आइजोफोरनि प्रिमियर लीग (डब्लिउपिएल) नि नैथि सिजनआ फेगौ 23 फेब्रुवारिनिफ्राय जागायगोन। मोन 5 हान्जानि गेजेराव गासै खेब 22 मेचफोर गेलेनाय जागोन। बे टुर्नामेन्टआ जागायनायनि सिगां गुजराट जइन्टनि हान्जाया टीमनि गेजेराव

गिदिर सोलायनाय लाबोदों। गुजराटनि टीमआ हान्जायाव सासे रोंगथि गोनां गेलेगिरिखौ थिसननानै बिथानो बिबान गथायदों। गुजराट जइन्टसआ अस्ट्रेलियानि बारग' क्रिकेटार माइकेल किलं गरखौ डब्लिउपिएलनि नैथि सिजननि थाखाय राशेल हेन्सनि जायगायाव गावसोरनि हान्जानि

गाहाइ कच महरै थिसन्दों। गुजराट जइन्टसआ मोन 5 हान्जानि लीगनि सिजनआव जोबथा थाखोआव जायगा मोन्दोंमोन। बे टीमआ फेगौ 25 फेब्रुवारिआव बेंगालुरुआव गावसोरनि सिजननि गिबि बादायनायाव सोलिफु सेम्पियन मुम्बाइ इन्डियान्सजों मोगा-मोगि जालायगोन। भारतनि बारग' केप्टेन मिटाली रजआ हान्जानि बोसोनगिरि महरै गावनि बिबानखौ लाखिगोन। जेयव नुसिन अल कदिरआ बलिं कच महरै बिबानआव थागोन। बेनि सोमोन्दै गुजराट जइन्टसआ मोनसे खौरां बिबुंसोरनि गेजेरजों फोरमायदों। अब्लाबो गिबि सिजनआव बेटिं कच बिबानआव थानाय तुषार अरखेनि बिबानआव थागोन एबा बेनिफ्राय जानगाराव थागोननि सायाव जेबो बाथ्रा बुडखै। किलं गरआ 2017 आव अस्ट्रेलियानि थाखाय खेबथाम टी-20 इन्टारनेसनल मेच गेलेदोंमोन। खौरांगिरिफोरनि बिबुंसोरआव बिथाड गुजराट जइन्टनि जानानै आइजोफोरनि प्रिमियर लीगनि 2 थि सिजनआव जरखा हाबा मावनो खाबु मोनगोनखौ फोरमायदों। लो गोसे मिटाली रजजों गावनि हाबा मावनो मोनगोनखौ लानानै गोजेन्नाय फोरमायदों। मिटालीआ भारतआव आइजोफोरनि क्रिकेटखौ जौगाहोनायाव गोबां बिफाव लाबोबाय।

लाभलिना बरगहाइआ स्ट्रेन्जा मेम 'रिएलनिफ्राय जानगारआव



गोदान दिल्ली, 6 फेब्रुवारि: अलिम्पिक ब्रन्ज मेडलिस्ट लाभलिना बरगहाइआ 75 कि:ग्रा: लिस्थायायि केटेगिरिआव टुर्नामेन्टनि गिबि राउन्डआव आयारलेण्डनि अरके अइफजों जेन्नांनयनि उनाव 75 थि स्ट्रेन्जा मेम 'रिएल बक्सिं टुर्नामेन्टनिफ्राय जानगारनांबाय। रेफारिआ प्री-क्वार्टर फाइनल मेचनि थामथि राउन्डनि 1 मिनट 18 सेकेन्ड गेलेनायनि उनाव बेरेखा गेलेगिरिखौ बांद्राय हमनायनि थाखाय थामथि वार्निजों थामथि खेबनि थाखाय लाभलिनाखौ उदां खालामो। 26 बोसोर बैसोनि सोलिफु वर्ल्ड सेम्पियनआ पेरिस अलिम्पिकनि थाखाय क्वालिफाइ जानायजों लो गोसे बे बादायनायाव गिबि खेबनै राउन्डखौ 3-2 स्करआव देरहादों। नाथाय खेबनैबो

राउन्डआव 1-1 पइन्ट खोमानांदोंमोन। मानोना बिथाड 3 मिनटनि थामथि राउन्डनि सिगाडाव आवगायनानै दंखायोमोन। खेबनै वर्ल्ड सेम्पियन निकत जरिनआ 50 कि:ग्रा: लिस्थायायि आरो साक्षि चौधुरिआ 57 कि:ग्रा: लिस्थायायि केटेगिरिआव उल्थायै देरहानायजों गावसोरनि मोजां फर्मखौ फोरमानआव लाबोदों। पेरिस अलिम्पिकनि थाखाय क्वालिफाइ जानाय निकतआ मंगलीयानि इन्टरेसे गलेक येसुगेनखौ 3-2 स्कर पइन्टआव फेजेन्दों। बिथाड क्वार्टर फाइनलआव फ्रान्सनि लखदिरि वासिलाजों मोगा-मोगि जागोन। बेराफासै साक्षिआ गावनि गोब्राब नाजानायजों गोखोडै गाग्लोबनानै आल्जेरियानि सेल्मौनी

चाहिराखौ फेजेनो। बिथाड गासै खेब 3 बाउटआव बेरेखा बादायारिखौ गादबनानै गोरोबलायनाय थिरांथायाव 5-0 स्कर पइन्टआव देरहानानै क्वार्टर फाइनलआव सौहैदों। बे खेबआव बिथाड क्वार्टर फाइनलआव उन्वेकिस्ताननि मामाजनभा खुमराबनुजों मोगा-मोगि जालायगोन। एसियायन गेम्सनि ब्रन्ज मेडलिस्ट प्रिटी पवारआ 54 कि:ग्रा: लिस्थायायि केटेगिरिआव आयारलेण्डनि फे नियामजों 2-3 स्करआव जेन्नांदों। मनिषाआ 60 कि:ग्रा: आरो अरुनदति चौधुरिआ 66 कि:ग्रा: लिस्थायायि केटेगिरिआव फ्रान्सनि जिडानि आमिना आरो सनभिक एमिलीनि हेंथायै जुजिगोन। बेनि सिगां जुगनुआ 86 कि:ग्रा: लिस्थायायि केटेगिरिनि प्री-क्वार्टर फाइनलआव इड्रेननि कचेरियान एशटखौ 3-2 स्करआव फेजेनो। बिथाड बे केबआव उन्वेकिस्ताननि जाललभ समन्डारजों सेलेन्जआव ओंखारगोन।

सुमित नागलनि दावगानायनि सायाव आनन्द अमरुतराजआ मोन्दांथिखौ फोरमायदों



गोदान दिल्ली, 6 फेब्रुवारि: भारतनि टेनिस स्टार आनन्द अमरुतराजआ भारतनि जाखंफुनाय टेनिस स्टार सुमित नागलनि दावगानाय आरो टप 100 आव हाबनो हानायनि सायाव गावनि मोन्दांथिखौ फोरमायदों। बिथानि बादिब्ला, नागलआ सिगां फासै दावगानो आरो टप 100 नि फारिलाइआव हाबनो हानाय बिथानि फिटनेस आरो गोखोंथिनि सायावसो सोनारगोन। नागलआ थानाय दानआव अस्ट्रेलियायन अपेननि सिंगेल्सनि गाहाइ ड्रुनि नैथि राउन्डआव सौहैनानै खौरांगोरनि हेटलाइनआव जायगा आवप्रिदोंमोन। आनन्दआ माद्रास क्रिकेट क्लबआव डेभिक काप देरहानाय फोर्बोनि समाव खौरांगिरिनि सिगाडाव बेफोर बाथ्राखौ फोरमायदों। बे समाव बिथाड नागलनि फिटनेस आरो गोखोंथिनि सायाव फोरमायनानै बेनि गेजेरजोंसो दावगानायव हेफाजाब मोन्नायखौ फोरमायो। लो गोसे बे मोननै गुनआ थायोब्लासो बेरेखा बादायारिखौ फेजेनानै पइन्ट आर्जिनो हागोनखौ फोरमायो। नागलआ सोलिफु समाव एटिपनि सिंगेल रेंकिंआव 121 थि मासिआव दड आरो गोबाडनो बिथानिखौ फेगौ 6 दाननि गेजेराव टप 100 नि फारिआव हाबगोननि मिजिथि लादों। बे समाव आनन्दआ नागलखौ ग्रेन्डस्लेमआव मोजाडै दिन्थिफुंनो हागोनखौ मिजिथिदों। नागलनि अनगायै आनन्दआ फेगौ दानफोरनि गेजेराव टप 100 नि फारिलाइआव तामिलनाडुनि सानै गेलेगिरि फारियै राम कुमार रामानाथन आरो मुखन्द शाचिकुमारखौबो सौहैनो हागोनखौ मदद होदों। बे समाव बिथाड राम कुमारनि सार्भखौ बाखायदों। लो गोसे 29 बोसोर बैसोनि राम कुमारखौ गावनि फरहेन्ड आरो बेकहेन्डआव सुद्रायनांगौनि गोनांथिखौ फोरमायो।

हंकांआव लियनेल मेसिआ फेन्सफोरजों रागा जोंजाजों



बेइजिं, 6 फेब्रुवारि: हंकांआव इन्टर मियामीनि मोनसे फुटबल मेचखौ खुंफुं ग्रा आफादनि सायाव लियनेल मेसिखौ मेचआव बाहागो जाहोनो हायैनि जाउनाव फेन्सफोर रागा जोंजाजों आरो बेजों लो गोसे सरकारनिफ्रायबो गोखों फिनजाथाय होदों। गोबां फोसावजानाय दिन्थिफुंनय मेचनि समाव अन्सायगिरिफोरा इन्टर मियामीनि लो गो बिगोमा डेभिड वेकहामखौ सोंखारिदों आरो हेमस्ट्रिआव जोखोम मोन्नायनि जाउनाव मोनसे जायगायारि हान्जानि बेरेखायै मेचनि समाव मेसिआ 90 मिनिटसिम बेन्सआव जिययनायनि उनाव नायगिरिफोरा रांखौ हरफिननांगौनि दाबि दैखादों। सामलायगिरिफोरा गावसोरनि बिबुंथिआव जोखोमनि थाखाय मेसिनि बाहागो जानो हायै जाहोनखौ फोरमायदों। लो गोसे मेचखौ खुंफुंनो थाखाय नोगोर सरकारनिफ्राय रांनि आर'जलाइखौ बोखारगोननि

खोथा होदों। मेचखौ खुंफुं ग्रा टेलार एसियायि आफादगिरि मिशेल लामुनियरआ मोनसे खौरां जथुमआव इन्टर मियामीजों बिथानि रादाइ खानायाव मेसि आरो टीमनि माखासे गुबुन स्टार फुटबलारफोरखौबो टाइआव गेलेनांगौनि गोनांथिखौ फोरमायनानै अब्लाबो बिबोरनि दुखु मोनैनि जाहोनखौ फोरमायदों। बिथाड बुंदोंदि, मेसिआ सासे गेलेगिरि महरै जोखोमनि थाखायसो बाइजोआव जिरायनांदों। बे मेचआव बांसिलनानि बारग' स्ट्राइकार लुइस सुआरेजआबो बाहागो लायाखेमोन। लामुनियरआ गावसोरनि हान्जानिफ्राय नैथि हाफआव क्लाबनि दैदेनगिरिफोरजों मेसिनि अन्सायगिरिफोरजों रांखौ रायज्जालायनो खावलायदोंमोन। नाथाय बे समाव स्टेडियमआव सौहैनाय नय गिरिफोरा गनायाखेमोन।

लाइफ टाइम एसिभमेन्ट बान्थाजों मान होजानाय उषाआ आइअसिजों गावसोरनि सावरायजेन्नायखौ फोरमायदों

गोदान दिल्ली, 6 फेब्रुवारि: भारतीय अलिम्पिक एस 'सिएसन (आइए)नि आफादगिरि पिटि उषाआ 2036 नि अलिम्पिक आरो 2030 नि इयुथ अलिम्पिकखौ खुंफुंनयनि थाखाय इन्टारनेसनल अलिम्पिक किमिडिनि फिउसर हस्ट कमिसनजों गावसोरनि रायज्जालायजेन्नायखौ मिथिहोदों। बिथाड आइअएनिफ्राय अलिम्पिक गेम्सखौ खुंफुंनो थाखाय गावसोरनिफ्राय नाजानाय थागोनखौ फोरमायो। मख'नो गोनांदि, गाहाइ मन्थि नेन्ड्र मदिआबो थानाय बोसोरव मुम्बाइआव जालानाय आइअसिनि जथुम्मा सिजनआव



2036 नि अलिम्पिक आरो इयुथ अलिम्पिकखौ खुंफुंनो गोसो जानायखौ फोरमायदोंमोन। बे समाव बिथाड अलिम्पिकनि थाखाय मावख'यारि महरै गावसोरनि बेट लागायगोनखौ फोरमायदों। उषाआ आइअएनि गाहाइ बिबानगिरि सिइअ रगुरम आय्यरनि मददआव फैदों।

राउन्डआव 1-1 पइन्ट खोमानांदोंमोन। मानोना बिथाड 3 मिनटनि थामथि राउन्डनि सिगाडाव आवगायनानै दंखायोमोन। खेबनै वर्ल्ड सेम्पियन निकत जरिनआ 50 कि:ग्रा: लिस्थायायि आरो साक्षि चौधुरिआ 57 कि:ग्रा: लिस्थायायि केटेगिरिआव उल्थायै देरहानायजों गावसोरनि मोजां फर्मखौ फोरमानआव लाबोदों। पेरिस अलिम्पिकनि थाखाय क्वालिफाइ जानाय निकतआ मंगलीयानि इन्टरेसे गलेक येसुगेनखौ 3-2 स्कर पइन्टआव फेजेन्दों। बिथाड क्वार्टर फाइनलआव फ्रान्सनि लखदिरि वासिलाजों मोगा-मोगि जागोन। बेराफासै साक्षिआ गावनि गोब्राब नाजानायजों गोखोडै गाग्लोबनानै आल्जेरियानि सेल्मौनी

गोदान दिल्ली, 6 फेब्रुवारि: सतिश कुमार करुनाकरन आरो आद्या वारियाथनि जराआ 32 थि इयन फाजार इन्टारनेसनल सेलेन्ज टुर्नामेन्टआव मिक्स डबल्सनि बिमुं देरहाबाय। बिबोर सानैआ भारतनि जरा एनसिकि रेडु आरो बि शुमित रेडुखौ 22-20, 21-14 स्करआव फेजेनानै बिमुं देरहादों। भारतनि थाखाय इयाननि यान्दआव खुंजानाय बे इभेन्टआ थारिनो जर'खामोन। मानोना साइ प्रतिक आरो कृष्ण प्रसादनि जराआ हौवाफोरनि डबल्सआव बिमुं देरहानो हादों। बिबोर सानैनि भारतीय जराआ फाइनलआव मेक्सिक'नि जब केस्टिल' आरो लुइस अरमान्ड मन्तेयाखौ 21-18, 21-19 स्करआव फेजेन्दों। नाथाय सतिशआ डबल बिमुं देरहानायनिफ्राय जानगाराव



थानांदों। बिथाड हौवाफोरनि सिंगेल्सनि फाइनलआवबो जायगा आवप्रिदोंमोन। नाथाय गोब्राब नाजसेयावबो हंकेनि एनगुएन हाइदरनि हेंथायै 17-21, 18-21 स्करआव जेन्नाडो। सतिशआ गावनि गिबि बिडब्लिउएफ सुपार 100

नि बिमुंखौ थानाय बोसोरनि डिसेम्बर दानआव उरिप्या अपेनआव देरहादों। भारतनिनो तस्नीम मीरआ आइजोफोरनि सिंगेल्सआव फाइनलआव सौहैदोंब्लाबो हंकेनि बादायारि सिनयान हेपीजों 14-21, 12-21 स्करआव जेन्नांदों।